



壽陽縣志卷之十二

藝文下

夕次壽陽驛

本集有題吳郎中詩後六字

唐韓愈

風光欲動別長安及到

集作春半

邊城特地寒不見園花兼

巷柳馬頭唯有月團圓

按唐穆宗時朱克融王庭湊叛再失河朔不得已皆

加檢校工部尚書然庭湊兵猶在深州城下時公轉

兵部侍郎奉詔宣撫至鎮庭湊拔刀弦弓以迎之又

羅甲士於庭公譬以順逆禍福辭義凜然庭湊恐眾

心動麾出謂公曰侍郎來欲庭湊何為公曰神策六

山西書局  
圖書館藏

軍如牛元翼者不少但朝廷顧大體不可棄之耳  
書久圍之何也庭湊曰即出之公曰若爾則無事矣  
元翼竟濟圍得出是詩實公使鎮州過此而作宋元  
祐癸酉宣義郎知縣孟天常勒石

壽陽道中遇雪

宋王思誠

十月燕州冷不堪朔風如劍入衣衫羊頭雪映鴉兒峪  
馬首雲連燕子巖絕澗冰消泥滑滑斷崖土落路巉巖  
昌黎奉使曾經此驛舍題詩壁上龕

過李長者故居

楊謨 洛陽人

方山百里路崎嶇按部因尋長者居伏虎已歸天女去

隴頭新見萬松株

雪中游昭化院謁唐華巖新賜號顯教妙巖長者

詩雲靄蔽山不遂眺望特松雪可愛留一詩於

壁 時崇甯五年癸未十一月上休日也

員蓬源 華陰人

招提隱層岑徑路多曲折况此苦寒行石棧凍欲裂平  
生愛林藪不惜犯霜雪萬松變瓊姿點綴殊未歇巒岫  
皓氤氳殿閣富皎潔濁醪屢濡脣安得暫嶂頰伊昔有  
異人卜居此巖穴靈跡粲可考未易遽泯滅美女不爲  
魔猛虎亦自竭遺骨既金瓌著論翼貝葉比綠守臣章  
天子念往哲恩澤賁卹衍賜號良炳灼臣今何與焉焚

廷一頂詩亦言無病難與山並業

特作  
色等

又

宿方山寺蕭然碧嶺環由來峻極雪終不厭雲山亂

石風前響疎燈夜著問如何有鶴將未許謝人關

遊方山

時癸未  
仲秋也

金王雷  
祁縣人

車輪馬足徧人間豈冀窮荒逢此山便欲棲遲成地隱  
始知空闊破天慳松聲萬壑秋風急石徑千盤暮雨班  
爲報草堂真碧眼莫教辜負箇中閑

奉謁無盡居士祠堂

無盡居士張商  
英號碑在方山前

人

依然繪像暮山空妙跡甯分異與同洙泗舊傳真自得

雲曹別厭復何窮市朝誰識生前趣名字猶存身後功  
若問先生無盡意春風已度又秋風

時大定三  
年八月也

宿張靖田家

自注地  
屬壽陽

元好問

川途盡坡陀嶺路入荒梗微茫望煙火向背得廬井殘  
民安樸陋倦客喜幽屏兒童問叩扉租吏有餘警兩崖  
紛叢薄沙石立頑礪川流落空嵌百折不容騁山深鏡  
風露夜氣淒以耿園花澹相望邊月空照影深居苦不  
早素髮忽垂領誰謂林野人茲焉惜清景

十一月五日暫往西張

地志河東北路晉州興定  
四年以壽陽屬西張寨

前人

城隈細路入沙汀絮帽衝風日再經款歲村墟更幾  
窮冬人影亦伶俜林煙漠漠鴉邊暗山骨棱棱雲外  
四十年來此寒苦凍吟猶記隴關亭

次韓昌黎壁間韻

西堂好問

五雲回首憶長安孤客蕭蕭向夕寒幽夢斷腸人不見

天涯明月自團團

西堂元好問別號

王子秋日贈衲雲上人

明晉王

幽谷逍遙自在人麻衣不染世紅塵雲花樹場憐  
貝葉經翻了梵春殊剎幾間開士法維摩曾議宰官身  
定中入息非非想忽到王城是往因

芹泉道中望壽陽

喬宇 樂平人

西下榆關路平潭漣漣水香芹欲采陂澗草新抽落  
照明關堞殘霞映曉樓山行殊可悅春事滿田疇

次前韻

馮清

壽陽古名地經年兩度遊瀾流聲遠到宿草色新抽谷  
鳥遷林木煙雲鎖戍樓歡聲隨處動時雨足田疇

經太安驛

王瓊 太原人

馬頭疎雨其輕煙秋色冥冥草樹遶世事百年如蟻鬪  
化機終日擬凡旋昌黎學術前扶主裴度功名解備邊  
自歎斯文當後進敢將踪跡問前賢

祝衲雲守山

蘇維霖

天妹送供虎馱經留得峯頭欲嘔心煩師好護袈裟地  
他日重來續舊文

十六夜見月志喜題壽陽學壁

沈 鉉

頑陰蕩滌碧空明月在今宵故有清輝  
羣鳥而樹返南征望敲玉杵長生兔  
杖書黎太乙精  
虛室皎然如白晝枕衾涼冷夢魂清

次壽陽有感

孫繼魯

夜雨游塵靜浮雲向日看鳥曉千夏木風動萬家幹不  
盡

壽陽晚行東答漁浦道長

黃洪毗

獨行山路遠寒日傍雲微徑曲塵隨馬天高露溼衣停  
杯雙鬢短看劍壯心違又素憐同病緘詩附雁飛

自平定至壽陽

謝 肅

平定城西東晚裝黑沙山外度連岡斷碑古木雲長廟  
絕壁懸蘿石佛堂白雁天清聞遠唳黃花霜重見孤芳  
悠悠故道風塵靜馬上看山過壽陽

由壽陽入太安道中

龍 膺

車上渾無事清秋暑氣蘇恰宜消睡債兼好課詩通沙  
澗盤如帶雲山疊作圖歲豐人樂業遺俗想唐虞

西邁日停午皇皇四牡過萬山紆啟徑千澗巧趨河穴  
處村煙冷曉耕豆雨和偶思瀝水上朱閣翳松蘿

九月壽陽考試

胡謚

玉節觀風載遠馳霜臺清况與秋宜虛庭菊滿樽無酒  
古驛苔深壁有詩且其青衿終日語不將烏帽向風吹  
翻思微棘閩闈後與客登臨在武夷

寓壽陽憶兄有感

胡瑞

二十年前過壽陽而今華髮已蒼蒼光陰有限蟻旋磨  
道路無情水泛航小雁還依原渚宿甘棠不見舊花香  
一聲慨歎出門去滿目雲山驛路長

次前韻

石玠

菊水旬宣憶壽陽壁間餘墨尙蒼蒼豪華事往堪驚夢  
名利場虛若泛航原雁空存相喚意花封不見舊來香  
汝南人物君兄弟彩筆詩成咏自長

次韓昌黎壁間韻

前人

我公隨處得身安豈料邊城煖與寒萬古人看明月句  
卻如明月一般團

前韻

蕭啟

奉命惟懷鉅鎮安馳驅山路豈猶寒叛臣迎至聞辭厲  
麾退絃弓莫敢團

當年河朔尙難安使節臨城賊膽寒  
恩信纔孚圍就解  
深州不見有兵團

盛暑歸朝得暫安山城高啟夜深寒  
忽驚雷雨風吹散  
獨見天心月一團

前韻

陳鳳梧

奉使能令反側安只知君命不知寒  
春風驛馬經行地  
還印當年月一團

前韻

區深

又從南北望長安玉宇瓊樓高處寒  
四月炎涼渾未定  
一杯閑啜小龍團

無心是處夢魂安古柏臺深五月寒  
自笑青山老居士  
松窗閑煞舊蒲團

前韻

郭持平

暑日筇輿過太安轟然雷送雨猶寒  
循牆讀罷唐人咏  
想見高吟對月團

馬上峯頭望吉安松風偏透葛衣寒  
停杯問月人何處  
謂有清光缺又團

前韻

羅良

榆關西北抱長安疎雨邊城動地寒  
塞上征人無限恨

秋風共對月團圓

庚午六月入晉擁重衣因憶塞士之苦



前韻

陳棐

積雪山程至太安重裘夜半覺猶寒卻思鐵甲邊城碎  
甯得紅爐坐一團

今年八月在長安誰說瓊樓高處寒及到家園重九後  
小亭涼露菊花團

爲憂民瘼敢求安祇望春回窮谷寒千里霜飛隨豸角  
一杯雪乳龍團

訪山寺二首

前人

紺宇赤城盡日尋層巒複澗阻幽深遙看樹杪青煙起  
知有人家在碧林

山僧面帶煙嵐色老樹頂結虬龍形當年伏虎人何在  
試讀華嚴一卷經

次韓昌黎韻

姚誠立安邑人

路轉峯迴出太安貂裘輕曳凍雲寒悠悠旅思空飛越  
故里梅花影自團

前韻

趙馥河南人

憶昔遼陽管幼安榻穿甘受一生寒自憐猶有青氍坐  
苜蓿盤中玩日團

通詠八景

前人

故城返照夕偏多雙鳳朝陽拱翠峨左掖芹泉籠曉月

前襟壽水漾清波建公有洞蛇仍產禹跡遺門石不磨  
雪積羊頭經盛暑方山雲霧鎖藤蘿

朝陽閣行

王世隆

壽陽城東有高閣正德之年富民作飛甍碧瓦耀晴空  
嵌壁金身動朱薄崔嵬似出鬼工手靡麗疑從玉宸落  
我行過此慨嘆生豈爲登臨心眼豁城中闔闔數百家  
半愁風雨半塵沙青衿士子無處所孔壁傾頽生土花  
富民有錢不辦此祇爲浮屠作盟主闢成富民亦且死  
福田利益竟何許錢多未必是天生巧求虐取空四鄰  
四鄰空虛富乃成指困積米囊積金守財不舍將奈何

百年逝水無停波富民無子錢空多日暮途遠思維摩  
豈知維摩號慈雲濟世還欲捐此身塗膏斃血鬼不享  
維摩豈肯傷衆生亦知冥報理不舛悖入悖出鑿非遠  
人情翻覆似波瀾天道依伏幽且險君不見長安城中  
寺萬重鉅麗無比元明宮宮成怨積禍機發至今禾黍  
悲秋風樵夫牧兒戟手罵豈有福澤遺沙蟲冥頑不悟  
殊已矣我作歌行訓諸士縣官循良儒士美闕予之言  
大歡喜一拳搥碎此閣勿再起免惑愚民有闕里我聞  
其言爲且止莫若因之示條理昌黎此地有遺烈改作  
祠堂未爲靡勸分亦可代逋負葺屋或堪容士子如此

處置有深意標得明明正綱紀大書予言表闕門父老  
應當傳世世

和韓昌黎韻

受堂子 鄞人

百爲惟冀此心安休問人情熱與寒笑我風波還汨沒  
何時打透利名團

萱堂誰與報平安天末浮踪幾煥寒屈指歸期應可待  
定知人月兩能團

過簡子祠

前人

何人廟貌儼王公萬谷盤迴一徑通古壁半欹春長蘚  
老松獨立夜號風成灰分晉貽孫策揭日藏符取代功

禾黍遺墟恩未泯村雞社酒祝年豐

題賈門雙節

唐希介

痛憐姑婦恨終年凜凜高風振後先鐵石堅持心志苦  
熊丸能訓子孫賢雲霄有待騰雙鳳圭壁無慚見九泉  
金字旌門敦薄俗餘光耿耿照青編

題崇福寺沒字碑

余偶宿寺中僧明慧者得沒字碑於泥沙索余題詩以誌寺之

始末云時正德三年十月也

賈侃 邑人

賀魯臺隍斷復連一區蕭寺北城邊禪光闕寂封苔蘚  
梵宇鬼峩鎖霧煙肇造已聞天寶末新增又紀太和年  
無情獨有嬋娟月千古常明照佛前

次韓昌黎韻

孫枝

慷慨憂時席未安，征衣甯怯曉霜寒。  
長纓欲繫單于頸，爲請營兵十二團。

鉦鼓巖明出太安，秋風栗烈劍光寒。  
迂疎不識防邊計，聊集民丁立總團。

前韻

張失名

蕭蕭驛路敢求安，獨馬空山入暮寒。  
忽憶昨年經此日，乍晴梅雨月初團。

山館夷猶強自安，林烏嘯徹漏聲寒。  
征人不作風塵色，兀坐敲詩煮月團。

過壽陽驛

陳所行

山驛何蕭索，秋空日暮時。  
臨摹看宋字，覓句愧唐詩。  
碑斷苔封台，山高月上遲。  
閉門惟獨酌，聊以慰相思。

算日蝕詩

各句第一字寓意

張鱗邑人

三白新晴興未闌，月光常許靜中看。  
初升海口飛銀鏡，一到天心綴玉盤。  
午夜令人忘蝶夢，時冬伴我久睨桓。  
日臨四七歸何處，食宿姪娥失廣寒。

因禱雨重遊方山

時作邑令

莫天麒長沙人

適因尋勝地，露禱此重遊。  
谷吹吟山嘴，松根抱石頭。  
一陰初入伏，六月早驚秋。  
潭翼聲方咽，嵐光翠欲流。  
山靈

如可乞時雨波多愁

重五

時作邑令

魏鳴世

長垣人

連朝風雨過端陽物態蕭然客異鄉且喜新孫添綵纒  
謾勞舊友供蒲觴盤堆角黍依南國砌繞萱化憶北堂  
仲夏極邊風力勁教兒還檢禦寒裳

題贈妙嚴長者

釋海慧

元談洞世契圓機遠訪靈踪入翠微龍化泉池清湛湛  
虎馱徑路綠依依天供玉饌凌晨獻齒放金光永夜輝  
神福萬株松下看重重華藏示真歸

次韓昌黎韻

丁啟睿

蕭蕭匹馬望長安總有輕裘不耐寒強酒迎風多醉酒  
呼童爲我煮龍團

古道崎嶇歷太安宵征子夜更生寒翹瞻天闕呼嵩近

冉冉彤雲聚作團

時入觀過此

前韻

熊文舉

馳驅河朔枕難安勁節雄文削玉寒想見揮毫懷國卹  
春風曾與淚俱團

羣鼻聚嘯豈偏安大義開陳六月寒尙有孤忠懸老筆  
清光常共月輪團

衡雲藍雪未能安八代高文倚劍寒煙草已非唐代月

孤清猶似馬頭團

未央宮殿古長安風露清虛問廣寒欲借我公明月鑑

珠光奎彩或成團

時奉命典試關中

過壽陽用韓文公韻

以下九作補

薛瑄

征騎雞鳴發太安山深五月尚風寒壽陽舉目孤城在

東嶺金烏爛曉團

見文清公全集

龍門山徑中

傅山

太原人

貧道初方外興亡著意拚入山只是淺孤徑獨能盤卻  
憶神仙術如無君父關留侯自黃老終始未忘韓

見甲申集

甲申八月訪道師五峯龍池不遇時道士在馬首

偽署次又元韻

前人

樓虛松露玉函封雲鳥非遙只邑中大隱真能混清濁  
令威何必在遼東

坐想崑崙也一方乾坤何處是吾鄉逍遙戀酒非耽職  
地自由他天自茫

紅崖馬首舊提封鷲入綏山一眺中太上忘情難可學  
盆池石島浪西東

雪中過五峯道師留夜談

師謂郭還陽

前人

山靈若相召適自長安來紅葉不到眼寒山生玉苔王  
倪經四問鮑照失多才靜夜發微論有身良可哀

方山

前人

方山方如墉埤現列疎松日暮俯諸山  
蜿蜒盤紫龍  
陰坐老虎嶽  
姿搖天風般般亦佛子  
山僧無過恂長者  
載經至七尺何其基

萇榆南崖之孤松

原注松在壽陽北萇榆河南崖  
偃蓋無多枝奇老如畫松之身

穿一孔遠望之空明  
而正圓奇爲古樹矣

前人

萇榆南崖之孤松蓬頭老仙躬曲穹  
簡重不屑苦作峰  
枯皮一片圍窻窳高綠重蓋低月宮  
抽風繹雪心不容  
老人物色三年久望見欣然過回首  
想琢一讚字岫嶮  
離奇殺了松不有向空一  
唵吹劍鈕幾時無知如吾松

乾坤萬事無好醜

見霜紅  
翁詩集

國朝

仁廟御製過固關入山西境詩

鳥道入雲中風光塞漠同人依險地  
立城自越山叢俗  
樸觀民舍才多壯士雄  
芹泉連冀北回首指青驄

旅思

時作  
邑令

繆慧遠

吳縣人

自悔彈冠誤風塵意若何  
故山疎著述邊塞試絃歌  
地比長沙遠愁方儋耳多  
歸兮須及早三徑夢嘗過

過方山題

邊大綬

三十年來歲月虛偶因烽火過禪廬  
白雲不斷人行路

消受松風一夜餘虎口餘生記邊大綬任邯人明末爲米脂令曾奉密旨掘自成祖墓燕京破後吏捕大綬以獻途遇卜者曰君勿憂也遇三陽閣自開及闖賊敗西走械大綬至壽之朝陽閣外守稱大綬遂乘間遁去時正九月重九日也夜匿方山題一絕於寺壁伺賊去乃覓路歸

太安驛

王秉乘

怪石高千尺橫蹲古驛頭青蒼含雨氣凌厲鎮河流土瘠居民少途衝使節稠無能任搏擊非敢效優游

龍泉訪雨師郭還陽故居

前人

雨師名甚久今始到龍泉虛閣延朝霽喬松帶暮烟法疑傳弟子事盡屬遺編仰愧身爲累翹翹戀馬羈

龍泉道中

前人

何事勞車馬山行尙簿書荒郵甘旅食曲徑扣仙居洞秘封金簡蟾光透玉蟾有生愧明哲前路敢躊躇

曉過芹泉驛

許之漸蘭陵人

春陰細雪點行旌疊疊崇巒馬首迎雁谷冰嘶傾石液龍門煙鎖散雲霓芹芽未努憐芳草梅蕊爭舒看好晴此日江南春信早莫將鄉思緩王程

次韓昌黎韻

前人

八代雄文軼建安奏書霜筆截犀寒當年鏗徒衝雲斷河朔風清月影團

手闢荒榛雁塞安戰功未銘按銘字舊志誤刊或謂常爲己字或就字存以俟考



血猶寒經過舊壘千山靜惟見長天月自圓

自注  
中丞

冬莅晉首曠太原諸  
邑之寇駐師此邑

星輅破曉向長安折坂心馳玉塞寒但使紫茸香散後  
名王爭吸小龍團

壽陽驛題韓文公詩後

王士禎

新城人

天寶昔喪亂罕干及阿罕扇禍始漁陽流毒被河朔辛  
苦九門戰堂堂李與郭滋蔓逮三鎮世守恣兇虐軍中  
立留後諸藩擅官爵山東勁兵處縣官實自弱元和聖  
天子丞相投方略淮蔡泊淄青次第就束縛移兵壓山  
東勢如掃秋籜遺恨功未成殺機生魏博庭湊何么麼

跳梁敢弗恪偉哉昌黎公談笑狎巨鯨我行過壽陽  
詩緬猶昨韓愈殊可惜朝廷乃大錯真卿與巢父茲事  
詎堪數誰與秉國成蛾眉竟謠譏杜牧有罪言千秋實  
良藥

癸巳夏日游方山步山中

石璋

跨山策蹇覺幽人人在方山果出塵一榻清風窗挂月  
半揮塵尾坐生春松梢堆翠留遊客塔影搖光現佛形  
爲問當年長者事老僧合掌話前因

次韓昌黎韻

張鵬翻

肅將君命向長安簡上霜威夏月寒驛路塵消新雨後

馬蹏重印月輪團

奉使重  
經過此

欣傳獨暖使民安  
王澤如春自不寒  
滿目青青禾黍熟  
空閨夜月望重團

前韻

朱鳳

朝陽閣上望長安  
滄海波搖今古寒  
誰是園花誰是柳  
空飛煙雨障蒲團

忙忙兩屐卻心安  
座上拈花香不寒  
月白虛明天自淨  
一瓢清露飽龍團

次太安驛

邵斌

山陰人

落日山中暝色齊  
疎林薄靄罩前溪  
驛奴羈勒調官馬

獵騎弓矢帶野雞  
賣餅人逢村市北  
當鑪家住亂峯西  
不當日日邯鄲道  
驢背秋風夢尙迷

方山

吳

雯

蒲州人

童子河邊柳外村  
新秋沙岸落潮痕  
妙巖勝境行將到  
青翠先教撲石門

山色參差碧四圍  
松聲花雨海濤飛  
晚來小坐盤陀石  
閒看山僧補衲衣

石路透迤到上方  
天風吹作十分涼  
中臺遙見千秋雪  
云是文殊大道場

行盡山頭萬樹松  
巉巖高捧碧芙蓉  
閒身到此無塵夢

不待僧樓五夜鐘

太安驛松

前人

古驛雙松俯碧流  
驛南岡上風颼颼  
不知何日天臺約  
坐聽濤聲五月秋

遊方山

高丹桂 邑人

山古春光默  
風柔樹色真  
日長人欲倦  
興發酒偏親  
苔蘚文網天  
空鳥篆新  
到來權下馬  
拂拭上衣塵

春日遊簡子祠

聶次升 邑人

偶有尋春興  
前臨簡子祠  
寒松空有色  
老杏半無枝  
眼豁登高處  
情深弔古時  
一觴聊且酌  
天際鳥聲遲

乙巳夏日登靈嵩巖

前人

南薰吹別芰  
荷衣杖策逍遙上  
翠微半嶺採花隨意得  
高峯把酒覺身飛  
循崖細認摩崖字  
陷磴深敲古殿扉  
更欲遠探幽勝跡  
滿天風雨卻催歸

晚眺賀魯故城

前人

落日青山映  
晚梁登臨送目故垣荒  
茫茫衰草秋煙際  
寂寂寒花古戍旁

和韓文公韻

武全文 孟縣人

春城嘯鳥報平安  
梅雨沾衣帶曉寒  
不見高軒臨壽水  
古今明月故團圓

題方山

前人

危巒天際出今古白雲封石版函龜首松毛結馬鬣東  
西兩縣畫南北一山通面面方成向有無夕照中

登方山謁長者龕

前人

峯律山圍遠近分迎人方雷疊如屏龍蟠馬首峯環紫  
龜蔭仇猶壑遞青雪徑春融朝啜餅土龕燈隱夜窺經  
巖前幾度留馴虎鏡地松脂化作苓

東河望閣

霍尙韜 邑人

繡廓花開香滿蹊提壺共步小河隄山城霧捲千巖合  
畫閣虹飛萬木低野鳥翩翩征路隱朝霞繚繞老僧迷

橋邊楊柳年年綠長伴煙雲拂澗畦

次韓昌黎韻

邑令 吳祚昌 沭陽人

起弊扶衰高建安孤忠自許斗牛寒潮陽籬去無消息  
縱有深兵不敢圍

一琴一鶴自相安願效梅花耐歲寒竊喜公餘無個事  
冰心祇共雪成團

壽水清波

前人

古邑城南漾碧波淙淙壽水抱山阿嬰羅出處天泉少  
頡紇分來地氣多白道明霞飛玉練一行白鷺遶清河  
農桑勸罷歸與晚俯聽潺湲日此過

芹泉曉月

前人

一片空聲韻野絃居人云此是芹泉沙青石淺蕭疎雨  
草綠花香激灑天乍湧冰輪光耿耿旋移桂魄影娟娟  
不堪曉色催征騎幽思寒輝一渺然

雙鳳朝陽

前人

雙鳳飛來地勢雄參差對峙碧霄中似依北斗朝雲黑  
故向東峯映日紅瑞異不聞書竹簡神奇應有奏梧桐  
猶遺古廟高原祀野老年年報歲功

石門禹跡

前人

陡絕雙崖忽地開傳聞大禹此曾來神功欲建千秋績  
鬼斧須輸萬載才洞內精靈埋石碣巖前風雨護莓苔  
遊人不識模糊字展磴摩穹掃綠埃

方山雲霧

前人

方山景勢鬱崔嵬四面平鋪接太微霧暗蒼巖元豹隱  
雲凝紫岫赤龍歸千林草色隨春碧萬壑松聲帶雨飛  
何處神師遺古跡湧泉拔木著禪機

羊頭積雪

前人

邊城四月著重裘况復高岡寒色浮春草芊芊生馬首  
雪花隱隱積羊頭全移暖律何方去錯認冰山此地留  
借問廣南大庾嶺梅花能得幾枝收

建公蛇穴

前人

山陽舊穴本仙家閉戶藏眞掃落花董奉無林栽宿禱  
建公有洞產靈蛇龍宮豈必誇三卷金匱何須富五車  
但使羣黎能卻病爭如石室擁丹沙

故城返照

前人

蘆城一望思茫茫衰草寒花滿舊疆塞馬有基嘶古堞  
石麟無主臥長楊頽垣破壁餘原廟細雨秋風泣戰場  
還憶當年稱保障數聲牧笛已斜陽

方山謁李長者祠讀華嚴論二首以呈長者長者  
得無拈花微笑否

何世琪

新城人

空林晏坐得神全天女提壺亦偶然但使此心無虎在  
諸君何必愧通元

長者名

古柏千章遠佛廬金剛

泉名

一滴水成渠就中多少西來

意蛇足華嚴論未如

次韓昌黎韻

前人

秋風未動向長安纔到芹泉透體寒不信飢能驅我去  
冰心原共月光團

由行唐向西安南抵壽陽寒甚

逢人西笑望長安誰解陶然耐歲寒一過屠門君始悟  
晚香露滿菊花團

齋心安處便身安熱不因人况歲寒此去河津曾幾許

印取當年月一團

雪深一丈臥袁安何事經霜已畏寒未肯輸他筋骨在  
且當堅坐老蒲團

憶方山寺居四首

據研露居  
詩稿補

李秉銓

邑人

寺迴人常少山高月最多有時狂興發捫葛上嵯峨  
雲從牖下起泉自枕邊生更有忘機鳥時時庭樹鳴  
青青石上松日夕濤聲起人世多囂塵聽來當洗耳  
行行六七里疊疊龍蛇窟遙望古幽燕常山何翠嶺

遊方山作

邑令

李

敦

鉅野人

我本山中人未慣折腰步偶然出山來依然他山住乘  
輿入方山方山有奇趣青青石上苔冉冉松間雨雨後  
濺濺鳴瀑流萬壑注雲從簷下飛鳥向掌中聚積雪滿  
山腰云是五臺路長者千載人披拂若平素馴虎亦何  
難虎怒由人怒念此澹忘歸月上侵衣履

方山

金門詔

誰識山靈造化功神巒突兀費天工堆成圓岸羣沙護  
削得方棱一壁崇古榦椽霄驚怪柏斜枝橫路臥虬松  
蒼蒼欲壓龍門鬣颯颯思遮馬首鬚精舍遙連區上下  
孤峯獨鎮勢穹窿手攀日月依金闕足撥雲霞捧貝宮  
閑覓老僧兩寺靜忙招仙鳥萬山空雪飛鷺嶺疑瓊樹

風送鸞音宛嶰筒微籟時催簫管弄奔濤長激鼓聲蓬  
千年根結茯苓白百丈崖藏琥珀紅拾果身輕多不老  
餐毛辟穀可還童香餘新瀝沾盈袖菌賽靈芝貯滿籠  
著展還疑遊太華握衣何必問崆峒羣仙採藥應長到  
先訪雲深十八公

和韓文公次壽陽二首

時作平定州牧

陶易文登人

馳驅王事敢懷安措大惟知半臂寒笑煞語林工附會  
春風擺亂絮成團

重臣持節出長安談笑能令賊膽寒千載高風誰得見  
月明曾向馬頭團

朝陽閣

前人

傑閣臨周道矍矍散曉寒

諺有冷壽陽語

軒窗開面面雲樹望

漫漫豹霧連青嶂龍門蹴紫瀾登臨多勝概駐馬一盤

桓

和韓文公韻

時署邑令

王謀文

餘姚人

使君千里出長安一路迎人花信寒獨念荒涼邊地闊  
空餘壽水碧波團

漫思題竹問平安山縣淒清夕露寒最是微吟歇征馬  
驛樓明月照人團

羞將服食學劉安風雨邊城獨耐寒到處鶯花絕消息



壽陽縣志 卷十二  
一燈夢破舊蒲團

風光今日羨民安盛世恩波總不寒二月山城春雨足  
桑麻滿縣綠成團

尖山雨過

郝仲成 邑人

黃花時節雁來天北望關門動曉鞭十里乍驚衣上雨  
一峰如豎指頭禪丹林樹染幢幢葉白日珠拋的的泉  
天惜詩人狂眼亂秋風滿路結清緣 時病目

秋日登龍化山絕頂望方山雲氣歌

前人

十日未果入山約秋風吹起驚蕭索此來山靈揖我笑

食言多矣今無忤一里一盤盤不已盤盤闖入空濛裏  
登高一破紅塵蔀雙眸開朗心顏喜忽焉煙露生衣袖  
飛龍衙衙錯昏晝方山之山山骨靈靈氣上與元精湊  
不雨不晴何娉婷面面青天虛翠屏頃刻變幻各異態  
翹首那能窮杳冥或如繪染文或如蓮吐萼或如鶴在  
巢或如羊處落或如風水遭或如車輻脫或如處子膚  
藐姑朝綽約或如神女妝陽臺晚寂寞或作之而形如  
雷起螫蠖或爲褊褊狀如尾斷神鵲窈窕編爛離奇歷  
亂不可以捉摸昔披圖經神識窮色飛眉舞耳亦驚香  
鑪之阜祝融峯巫山六六神所通一南一北一西東 古用

詩  
鬢髮郁郁復逢逢恨無千兩之屐九節筇左驂威鳳  
右乘龍雲師拍肩雨師同兩腋颼颼風伯從烟霞浩渺  
中有我江天萬里盪心曾只今惟有叉手瞪目視一對  
靈山呈積志赤城標建晚風高兜羅錦按當向紅日曬  
悅覺青袍布襪雲氣滿混茫不似人間世雷車隱隱中  
復藏爲雨爲霖福孔將維帝降神亦有意篤生人物徵  
休祥白日山河倏已晡四天夕氣欲模糊歸與歸與歌  
且謠眨眼浮雲入虛無

和韓昌黎韻

金門詔

仗節難耽角枕安使君豈畏朔風寒只愁桃李無聊賴

落春光不再團

別淚送君魂未安清閨寂寞耐春寒園花灼灼人何處  
惟剩冰桃雪一團

奉使辭家夢未安心睽兩地怯春寒因風柳絮飛飛起  
園外和泥結作團

柳枝零落久難安桃蕊偏存待歲寒可惜雙珠稱兩美  
誰知單影不成團

忠臣一到眾軍安凜凜詞嚴心膽寒庭湊濱園元翼出

深州無復練戎團

龔志按唐語林云退之侍姬二日絳桃曰柳枝皆能  
歌舞初使王庭湊至壽陽驛絕句云云蓋奇意二姝

也逮歸柳枝踰垣遁去家人追獲故鎮州初歸詩云  
別來楊柳街頭樹擺亂春風只欲飛惟有小園桃李  
在留花不發待郎歸自是專寵絳桃矣其說載之  
隱叢話前令金君本此意作和韻十首鐫之壁竊謂  
說部家言不可爲典要而寄意閨房或非公當日本  
懷且於壽陽千年勒石所以起人景仰慨想夫忠梗  
之概者未必其有合也第鍾歸詩固在好事者往往  
述之今於金君詩錄其五附之卷末以備談故之一  
助云 邵氏間見錄云孫子陽爲余言壽陽驛發地  
得二詩 石唐人跋云退之有倩桃風柳二妓歸途聞  
風柳已去故云 按二妓或云絳桃柳枝或云倩桃  
風柳未知孰是又按夕次壽陽驛詩當卽歐陽修春  
歸詩遂附會花柳二字爲指侍姬恐非當日本懷

清明壽陽道中

以下補

孟

塗

太谷人

芹泉斜抱石橋東 蹀躞輕蹕踏紅底 事更教添客思

杏花楊柳雨兼風 見龕山集

壽陽道中

葉紹本

歸安人

詰曲并州道層巒碧嶂空 深崖潛日影絕頂豁天風  
陶穴人家古懸車馬力窮勞生真可慨心折萬山中

壽陽驛懷韓文公

前人

亂峯合沓抱重嵐猶記韓公此駐驂宛轉蛾眉原眾  
嶠崎嶇虎口竟生探關心豈繫閒花柳寄興聊因遠  
謗談一片團團馬頭月尙疑仙馭在雲龕

壽陽山行

前人

我行受川西山勢何竦峭連絲接萬峯佳處孰領要  
城隍迭起伏岡嶺互繚繞峻峻土戴石窈窕地呈竅  
浩如

海波翻紛若羣馬趨崇邱極厯屢深谷窮窅窅重巖嶮  
累甑列嶂譬排航敦融疊幾成英陟積千嶠駝背腫昂  
昂馬尾峙翹翹或擬楸枰鋪或等玉兆劬平阿開帝臺  
嚴翼拱清廟簷沙頂禿鬣遵條鼻仰剗離離斷復聯冥  
冥虛以航頗疑天帝尊於此百靈頽各各建珥旄觴豆  
恣電醜又疑細柳軍壁壘壯戎徽樓櫓遙蔽空萬幕聽  
遣調醜顏武士怒歷齒村女笑反宇首蒙俱黝黑面垢  
醜偶然得平阪一望但荒藿墜厓巨石垂奔壑流泉瀾  
礪田天半耕村舍釜底眺常疑陶穴危覆壓不可弔騾  
馱何郎當柴車自磬掉直上魚緣竿俯下燕銜珣登頓

馬力疲鹽汗常溼尅嗟我本南產桃鄉樂漁釣何爲事  
險艱陟此山水剽朝霞天朦朧落日山照曜解鞍鳥盡  
棲就枕雞已歸幸無千里程差免畏狼獾芹泉險已脫  
沙嶺路猶競呼僕脂我車勉哉沿前墜翩反膩顏恰模  
糊金錯鞞破悶聊作詩奇景苦難肖

錄白鶴山房詩鈔

夜發壽陽

羅繞典

安化人

黃泥坂峻路盤旋夜色迷離雨後天極目韓公舊遊處

萬重山翠一吟鞭

錄蜀棧詩草下同

芹泉驛

前人

十日離燕市倉皇遠思牽晨光催石艾斜照送芹泉僕

瘁輿前纒驢疲飯後鞭徘徊歧路險叱馭愧前賢

受川留別

邑令 鍾德賓 江西人

當年馬首舊封疆複嶺重巒接太行地據山河資保障  
星分昴畢曜光芒愧無善政登馴雉曾禱甘霖避旱蝗  
最是輿情欣貼席訟庭真可用羅張

八載山城宦蹟羈前賢政績愧當時春和判牘花三逕  
秋爽垂簾月一池手勘丹文親校士堂開講席共延師  
輸將不負瓜期約長吏毋勞慮繭絲

使節星輶絡繹經傳籤晝夜遞郵程館垣屢下嘉賓榻  
供帳聊伸地主情不斷公移兼羽檄祇憐馬瘦與車羸  
此身渾似官隄柳風雨年年管送迎

水繞山環做縣齋簿書堆裏託吟懷放衙夜靜二鑿鼓  
騎馬霜濃十字街拙宦定憐匏尙繫惱人終覺事多乖  
秋風早遣還鄉夢檢點歸山幾輛鞵

攬鏡蕭蕭白髮新仔肩卸卻是閒身醒來蕉鹿空成夢  
唱到驪駒倍愴神馬足車塵千里路彭湖漢水一江春  
十年不改書生舊留得匡廬面目真

兵車十詠

邑令 鍾汪杰 嘉善人

調車

攻我車同我馬出車于郊馬于野以馬準車馬有餘我

車不足將何如西來羽書捷如箭東來驍騎迅如電軍  
行一日定一程三百征車調旁縣調旁縣檄旁州調車  
三州先一州壽邑調撥協濟車忻代遼三州暨遼屬一  
榆社和順二縣惟忻州車百兩先至  
州環山不通遼州暨榆社和順山徑崎嶇一州遠道  
稽傳郵代州離壽城五調車來調車往點數征車惟百  
兩傳聞昨夜元戎先啟行籌車半夜心徬徨

### 催車

代州民生來弄馬令馬駟又令驂駕車兩輪兩輪車三  
馬駕一車乘車安且暇誰行長途萬里餘肯以四馬易  
一車調馬來不用調車道復迂代州車八十五兩先亦  
以馬來每車準四馬後

更調車不復用馬也中夜火迫催走符聞道車驅如電驅車隆隆  
旂花戎軍中傳呼第二隊檢點弓裝待車載

### 雇車

壽陽古馬首驢羸類皆有山路劣容車車小坐難偶但  
以兩馬駕一車徐行往往隨人後壽邑山路少車東鄰  
有亦惟兩馬耳井陘口西鄰榆次山大車四馬行班班壽陽一驛獨少  
車少車無奈雇民車雇民車車二千本縣協濟車三百  
二十兩其遼州榆社和順三處俱以馬準車少車  
一百三十五兩故雇民車應之兵來坐車先著鞭民間  
鞭聲自呼苦馬鞭不前淚如雨不得已含悲辛往復還  
隨車輪含悲告爾民縣令非不仁屈令之腹不可以當

車折令之足不可以當馬雇車此役何爲者

### 封車

一歌出塞曲再唱兵車行兵車始集聞雷聲闐闐復殷  
殷連行蔽山城山城兵過行旅少商車斷絕兵車盈兵  
車載兵裝一車坐兩兵往來程途自二十轅問壽字封  
題明軍行順天天日景封題一月字完好不雨又不雪  
兵來懽樂爭上道言不見此車封時月正良檀車駟馬  
同煌煌

十月中旬車始集皆以壽陽題字於右轅上封識之

### 點車

昔聞晉車七百乘鞮鞞鞅鞞交輝映爾來二千有餘年  
軍容未減當時盛壽陽山邑僻晉東車逢逼窄如舟蓬  
調車旁郡尙不足民間杼柚愁半空悉索敝賦過二百  
是役雇壽邑民間車八九十兩  
合折代二州車共二百餘兩  
前車未回後車迫三日  
點回車車來何繹繹驢馬駕車不敢息點得征車百兩  
餘僕夫夜起監馬芻紅燈照路行相呼車聲磷磷驚城  
烏待看天明大星白兵車已過城西驛

### 發車

古人重車戰後伍承先偏偏車三三復五五司馬之法  
自古傳場來關東善騎士飛射雲間一雙雉傳言大將  
聽安行教令乘車行萬里前軍到未晡半夜催發車一

紙飛行如虎符轅門戟士傳相呼車聲驟發如霹靂馬  
蹶雜沓人辟易人聲朝馬聲駟車聲較鞫塵上器一時  
迴車入軍帳四野無譁但聽更籌唱

### 爭車

關東子弟半年少趨疾登車速輕標長行一日不知疲  
車前上下猶騰越此間山路崎又嶮兵來換馬兼換車  
換車不須與爭車挾辮趨輕車行疾重車徐後來無車  
步躊躇步躊躇慎莫怒尚有兩馬車爲汝載之代汝步  
追車

去車一何速回車一何遲去車加鞭一日至回車兩日  
猶後期莫嫌來後期試聽僕夫前致辭朝離壽陽城夕  
至王胡驛馬力雖疲尙不息南市買芻茭北市買豆麩  
星夜飼馬上槽櫪馬騰未飽行不得行不得來徐徐後  
軍已到東城隅急乘輕騎追回車

### 搜車

南村北村夜驚呼爭傳官府來搜車搜車多歧途藏車  
一何愚愚人畏匿思亡遁兵車雖擾攘亦不騷里閭傳  
聞下詔還蠲租我今諳諳告爾民爾民誰不懷皇  
仁徵車索馬非得已勸君行行勿逡巡早晚王師定  
西顛爾車無事開村堡



逐車

長驅指關西猛將盡羆虎官兵二千人迅疾如風雨  
行前後未而月九隊分明按部伍兵來塵不驚兵過市  
塵清驛前輶車閒不行散放不復歸車營催車來逐車  
去催車不來爲避徭逐車不去又何故曉曉且聽僕夫  
訴往來一月此流寓破費芻糧與扉屨旅店囊空日暫  
住日復日空復空勸爾急行乘恩恩回車息駕安三冬  
歸家何事悲途窮

出郭訪張鶴崖孝廉

錦標

面城居

前人

出郭饒野意到門尋幽居  
竭來從公暇三訪高人廬  
入座一相見握手歡有餘  
中庭翳松竹插架羅圖書  
老屋八九間向陽明窗疏  
此中足吟嘯鎮日俗慮祛  
相對忘世態禮節容我疎  
高賢在咫尺愧無贈瓊琚  
起別復延竚步行觀園蔬  
是時暮春節朝霞上村墟  
蔓花薄籬落鳥雀馴階除  
春光入郊墅農事方興鋤  
閉門足閒適爾室還經畝  
我來豁懷抱晤語交相於  
尙恐吏人擾小巷停肩與  
何當日無事屏從步紆徐  
穿花入小徑載酒聯吟裾  
因君問芳樹許我來何如

四月二十二日出郭十五里至神山祭風神登臺  
遠眺回至小東莊勘地午後方入城

前人

鄒子吹玉律黍谷寒生陽聖皇調八風作樂應八方周  
官祭輶師祀典垂煌煌天星占箕曜地氣發土囊四時  
和玉燭五穀宜祈禳我來莅茲邑問俗先農忙縣北有  
神山祭風歲有常蠲辰挈賓僚與馬停山岡紆迴步峻  
坂行行憩道旁草花雜紅紫坡麥連青黃喬松數十樹  
四圍鬱蒼蒼入門拜階阼僂僂奠酒漿禮畢登石臺憑  
高豁遠望東望方山寺伏虎留道場北望神武村元魏  
遺城隍懷古詫流俗前蹤都渺茫天風西北來吹我單  
衣裳回頭向白日極目東南鄉徘徊下未午吏事隨囟  
皇卻顧所歷處雲木盤桓長但願溫風至長養瞻豐穰  
太平多閒暇復此來徜徉

祀龍神辭 并敘

前人

歲庚寅予筮仕來壽夏六月禱於龍王廟五日而甘  
澍霑足今歲辛卯秋七月農夫望雨尤殷六日不雨  
忽西城民間有黑蜺見井中細如髮糾結長尺餘承  
以盆水脫變無常考之前紀乃雨徵也翼日遂大雨  
感神之貺作迎神送神辭以賽之

迎神

日杲杲緞彤彤池泉澗山木童禾頭焦農心忡走羣望

起蟄龍龍之來風澁澁雲旗開靈幢龍之下馳豐隆  
燦電馴光熊熊龍偃蹇於雲中騰黑蜃與冥濛龍蛇蟻  
蜈相從龍爲蜈蜈爲龍泉濊濊雨淙淙龍載止龍之宮

送神

龍之宮神來釐奠蒼玉獨吉簪龍之堂靈透池神具醉  
酒一卮龍之壇翼羽儀靈颯沓風颺颺龍之旗磨雨師  
雲總總星離離龍之車從兩螭前飛廉後屏翳龍回翔  
轉青旂指招搖返咸池雨三尺龍所施歌一曲送龍歸  
道光壬辰禱雨方山觀雲洞出雲歌 并敘

前人

方山不常出雲出雲必雨雨必霑足非山居之人不  
數見也所奇者洞祇如拳大崖壁高峻難攀而觀之  
惟此洞雲一出漸滿山間勢如奔馬之行前後山嶺  
亦逸出雲與之相合則雨立至矣邑志列入八景前  
人有望方山出雲詩而未有親覩洞口出雲人行雲  
中之作爰歌之以補寫其景云

方山雲洞連鴻濛下穿地軸上蒼穹太行南來恆北去  
方山橫互於其中陂陀磅礴積元氣輪困鬱勃迴其東  
遙瞻五臺簇五朵蓮峯繚繞香雲籠此山挺立作南埕  
清涼山志五峯之外有四埕南曰  
朱明埕卽方山李長者著論處 雲來氣接深冥蒙上

有天地高沆漭開硤石罅旁交通五龍嘘噏伏池底

五泉號五龍泉雲漿滿腹含冲融時時弄珠出遊戲或睡不起

呼耳聾今年五月苦亢旱田禾半槁山木童自冬入夏

逾半載龍眠山窟深龍宮望雲禱雨久不應走仆野老

奔村僮我今潔蠲舍與騎步上山曲盤寵從金剛泉畔

清冷水酌之再拜頻鞠躬神祠夜半忽響應如流耀火

光熊熊熺明指點雲出洞巫保驚詫開眼矇初如一縷

烟細炷直上高出松林叢漸如氤氲香四繞全迷洞口

紛蓬蓬又如玉女杼白練萬匹散漫拖長虹亦如嫦娥

舞羽衣襪襪飄忽翻從風揚旗擊鼓下山去人行縹緲

疑虛空觀師先導雨師會當頭殷殷闐豐隆前山奔騰

如曳帛後山晻靄如連霧馳疾卷雨勢集耳邊但聽

聲滢滢雲耶雨耶望不分平疇萬頃迷青蔥晚來天霽

入城市回觀山色霏微紅雲歸無所封古洞深林盡日

常蒙寵

祀風神辭 并敘

前人

考壽陽邑志方山禱雨尖山祭風列在祀典由來尙

矣余莅壽數年嘗一至方山禱雨應時霖沛而尖山

則每歲立夏後必率屬躬致祭於山頂之風神廟焉

路盤紆騎數休僅能至其上今歲春令多風雨澤未

降農人艱於下種乃先擇期於二月十日上祭風神  
祭後三日而微雪先零又十日而甘雨澍足感神之  
惠作歌以報之其辭曰

蘭旨兮椒芳進我后兮一觴燭華鐙兮九光香氤氳兮  
滿堂雲爲車兮星爲旒颺回旋兮山之巔靈颯逕兮欲  
下軼埃場兮中天遄余馬兮山陬路盤陀兮逶迤列柏  
兮圍壇長松兮繞圮虛泠泠兮肅中宮神欣欣兮來止  
媿靈保兮踞陬辭懷蕝茅以要之神告予以吉占兮前  
我導夫雨師雪霏霏以先下兮霖十日而爲期揚明庶  
兮翳華芝紛竿管兮喧鼓鞀神具醉兮愴且嬉穆將行

兮衛羽旂駕虯龍兮上馳排闥闔之誅蕩兮路不周以  
峴巖回神宮兮翼與箕天地朗兮清夷衆芳發鬱兮百  
穀蕃熙

金大定鐘歌

并敘

前人

鐘鑄於金大定六年丙戌距今道光丙申六百七十  
年出土中在壽陽縣署門樓之東不知何年側臥  
地上磚石半埋無人過而問也上有皇帝萬歲重臣  
千秋法界口清同登彼口頌語前縣令王甯主簿解  
口等題名暨平定縣樂平榆次太谷平遙等縣及本  
縣民衆工匠僧人名氏磨泐不全蓋金時寺院中鐘

也其寺院有永安院浮山寺清口寺洪教院等名不知是何寺中物世遠地遷方志缺略以俟好古者詩考云

九龍雙螭蟠不起鯨魚星下沉沙吐海仙六百七十籌

三見桑田化塵水金源遺物黑水濱古城南北謠遺民

壽陽舊諺云古城南古城北沒耳金鐘露半壁沒耳金鐘露半壁蕭牢不吼狡

貌遂上有千秋萬歲字紀年丙戌今丙申摩挲副拭出

題識鵲鷓膏瑩光磷彬叩之其聲清以瀉不知姑洗與

麩賓招提舊迹成荆榛憶諸衆生談果因姓氏一勒同

貞珉張王李趙劉胡陳維那竝列名未泯皆鑄鐘時大

鑿小鑿文猶新鐘文有榆次縣大鑿小鑿太谷縣大鑿小鑿平遙縣大鑿等各姓名世間

萬事日千變過眼浮雲速流電當時兩戒判山河地北

天南異州縣方今四海車書同銀鏤金錫梯航通一萬

里墩連西東此鐘掇出塵土中如汾寶鼎先融融覆之

磨屋重嶂幘立變剝落中穹窿鉅間銘字如雕蟲記取

大定六年二月朔銘文云大定六年歲次丙戌二月朔乙酉口口鑄記仙人不用

悲金銅

縣齋雜詩六首

前八

懸齋抱山城冷月皓澗露入夜羣動息秋聲集庭樹展轉不能寐身世會萬感羣我步前除悠悠驚歲暮一官

從薄宦愧乏令名附青人曠乎載事事皆如故強學時  
世故翻失邯鄲步未如且任命還以安吾素

清晨理案牘未幾紛在襟目高衙鼓罷檐際聞鶯禽還  
坐北堂上時哉故我琴一鼓高山曲再鼓流水音幽水  
有真意其德和悄悄安得化城俗齊一無競心雞犬豕  
足取雀鼠應相侵穆然幾皇上斯理猶可尋

淵明本達士道與樵下樵不肯五斗米折腰向督郵古  
人雖小就屈節尚曰委我今幸山城最邑臨道周馳驅  
日與塵塵士時迷醉一官始封人屢奉君子勅不惜屈  
我卿何論低我頭有如此獲麟欲伸不自由又如籠中

鳥翠足觸四陬俯仰感賢達進退何優游浩歌南山曲  
知命夫何憂

我家本水鄉有水無山色竭來山中居塵土面黴黑不  
見水潏澗恒見石崩崩豈無山頭泉城市止涓滴况復  
地苦寒山泉凍早塞風沙四面來眯目還填臆惟於夢  
魂中時憶江湖宅環迴蘆葦蒼蕩漾水天碧高秋入九  
月蟹肥菱正熟年年好風景鄉村會歷歷相隔幾千里  
可望不可即坐起成長謠勝事記曠昔

澤國氣多暑山國氣多寒壽陽無名山地居高山端千  
崖劃呀開四面皆層巒東西百里間凜凜森嶺岿黃沙

上白日朔風聲正酸霜凝封萬樹飛雪光漫漫山多耕  
地少泉汜土脈乾冬畦鮮宿麥秋坂無榮蘭地寒產復  
薄俗儉民自安艱難務本業峩峩多儒冠省風傳往蹟  
舊記昌黎韓留遺苦寒作花柳誰更看惟餘古時月千  
載常團團

北人慣乘馬南人慣乘船長官坐輿轎南北通山川此  
間山路峻與夫困頽肩肩輿曳兩纜如船上水牽盤迴  
苦推挽慄慄懼隕淵不如乘馬捷仄徑可屐穿我年四  
十餘未嘗習鞍韉今來學騎馬時墜手中鞭馬上看山  
好眼界空青天疾馳三十里欲過飛鳥前昨行仇由國  
不覺馬蹶顛接離笑到著眼花疑醉眠古人任曠達此  
事亦偶然但恐狃不戒危道非十全官居馬首邑驛馬  
如雲連分槽百餘匹一一官字鐫借問官何職馬曹近  
相聯莫擬垂堂誠且歌白馬篇

夕宿五峯山

王辰六月禱雨龍池宿焉山上有禱  
雨亭明季郭雨師爲邑人禱雨奇驗

作亭山上傳青主  
師事雨師多遺蹟

前人

月照空山二百秋我來此夕又登樓山人不肯下山去  
雙井泉聲在上頭

芹泉道中偶成

邑令子

鍾汪埏

浙江人

疲馬荒郊外春林古驛前泉深清見石山暮碧連天積



雪遙如練殘雲近似烟晉川依舊綠燕客又經年

芹泉閒眺

前人

一片浮烟碧長空鳥獨還素心泉水淡古意嶺雲閒繞  
岸忽無路隔林遙見山此間饒雅趣俗慮盡應刪

方山予舊山也夢訪屢矣因自號曰訪山詩以記

之

祁韻士邑人

秋到頻添客裏愁勞勞亭已換休休他年訪我松林約  
應在方山最上頭

夢遊方山

前人

何人置我巖壑間夜呼孔賓返故山入山惆悵長者去

嶺上孤雲自往還四面峯巒驚斗絕青天一碧浮煙鬢

千松萬松數莫徧霜皮溜雨紛爛斑黃花繡得千片錦

褰腰間錯森迴環蒙茸細鍼襯屐齒藉草欲眠緣非慳

老龍靈湫跨山頂

山上有龍潭

決漉頻浴盤雲鷗上寺鐘聲

下寺聞金剛泉湧山之灣講座時時有虎嘯

長者騎虎到山未幾

化石頭點盡無一頑天覺骨朽彼何人摩崖殘碣今未

刪

宋張商英石刻尙存

歸尋邊令題詩處但見秋月弓影彎壯士

遁去脫虎口掘墳尙憶誅神姦

明米脂令邊大綬嘗掘自成祖墓後爲李賊所

獲至壽陽遁去匿山中

青主先生亦眞士黃冠就此作商顏霜紅

龕老徵不起羊裘高節遺塵寰

傳青主名山明末諸生明末隱居方山往來平

定冠山諸勝作道士一賢本非同志者茲山留跡豈等  
裝屨微不起見州志

閒我坐石上三歎息松風流水聲潄潄夜深苔滑拄杖

落赤手欲向浮雲扳華嚴古洞火不滅恨未直上凌仙

此嘉慶乙丑歲居伊江時作也詩載濠  
關池行稿中道光十四年鐫石置之山寺

### 藍公教織歌

祁雋藻 邑人

冷壽陽春晚無花秋早霜山農卒歲苦寒逼但知力耕  
不知織自從藍公宰吾縣男製紡車女紡線大布著身  
衣裝棉春風一吹三百年藍公下車初念民勞且愚魏  
風曰縫裳唐風曰曳婁蠶桑雖不事木棉亦所需摻摻  
彼女手胡爲不織與民曰無織具公爲置工作臧祚民切

曰無織師公爲置女傳置傳數百家置工數十處十日  
一張機五日一匹布以棉作布布易棉工精布細勞以  
錢貧家棉少錢不足官困更指麥與粟藍公來自唐施  
明之季萬歷時秦中鉅族擁高貲棉萬斤布萬匹金多  
不知幾千鎰前車載滿後車溢毀家爲民謀家室一年  
織事成兩年獄訟清三年機杼不空鳴篝燈萬戶聞書  
聲廉叔度來何暮昔民無襦今五袴朱仲卿葬桐鄉子  
孫不如民奉嘗前人遺愛後人表藍公去後知者少若  
非吾鄉張君手自記一紙收藏始順治我公苦心何所  
寄邑乘寥寥數行字馬首老農老更慵作歌猶能歌我

藍公教織今有祠申公教織人未知吾邦志乘偶從略  
靈壽邑志乃載之雪公好學今王劭網羅放失勤諫者  
謂我手書已勒石如公潛德庸可遺申前藍後六十載  
召父杜母名竝垂門懸織具授以法藍政成矣申始基  
世間萬事有顯晦不朽之業仍待時劉侯適爲靈壽令  
以清獻志贈所思寒天短晷讀未竟尺素千里來何奇  
因憶去年見張記李叟其得自鄉人詒張氏子孫信慎  
守呵護亦有神靈司陸志若非互探討壽水何以揚清  
漪馨香俎豆報前列椎輪大輅思先資我昨作歌欲補  
志今因觀志補以詩他年片石可共語有道碑銘無媿

辭按上一二作及教織記皆有祁公寓藻手書石刻嵌於祠壁

望神山

前人

神山一何高蒼松一何古對面三十里了了青可覩雲  
烟互指讓岡巒爭拜舞傳聞東海中六鼇戴天柱蓬萊  
金翠光萬丈波吞吐仙人袖其石飛來戲茲土墮地不  
可收神功幻斤斧雖非巨靈擘儼作衆山主名山如名  
將特立誰敢侮乃信淮陰侯羞與噲等伍

再題韓公詩碑呈鍾元甫

汪杰

邑侯

唐語林邵氏聞見錄以壽

陽驛詩園花巷柳鎮州初歸詩楊柳桃李爲公  
寄意二姝而作臆說荒唐不可不辨頃與元甫  
談及所見適合  
屬爲長句紀之

前人

馬頭團月及春半花柳邊城冷未斷常山歸來春已深  
小桃著花柳條亂詩人感物賦于役柳往雪來同此歎  
不知語林何所據牽引二姝供一祭宋碑完好今尙存

宋元祐癸酉孟天常刻韓詩二石今尙在書院驛館中當卽漁洋所見者唐跋傳聞母乃闕  
聞見錄所載壽陽發地得二詩石有唐跋云云土人從無傳說可決其誣韓公自是磊落人

文字不受紅裙絆香山小詩目方笑東野驚才走且汗  
卽有箏琶待休沐豈聞鼙鼓生悽惋朝廷大體待籌策  
方鎮羣情正驕悍公去屹如山岳重公歸再覩日月旦  
嘲桃詭柳歌不類蟋蟀嘉禾義堪翫當時副使亦有人  
旅館題成應共看此詩題吳郎中詩後公使鎮州吳丹以駕部郎中副行今平定老君洞厓

石有韓愈吳丹過此六字題名惜哉駕部詩已佚賴有侍郎句可案我

侯好古事探討暇日城東集童冠文黨石室隕復新昌  
黎木主朽重煥邑侯重修受川書院復祀昌黎先生於講堂知公精靈留山

阿爲我窮鄉施礪鍛寒林斜日幾登眺古驛停車見詞  
翰蟲吟啾唧空自訴廣說荒唐誰爲竄我侯詩品能掩  
貫特爲韓碑發璀璨更鑿片石索我詩添寫山亭秋一

段

靈跡碑

唐天祐四年碑神福山寺靈跡記王居仁撰王崇裕書宋崇甯元年碑比邨宗勝立

上方有長者像

前人

唐石龕若絹宋石滑如鏡皆述長者跡一一標靈應天

覺彼何人佞佛實自佞

宋張商英有長者龜記

昭化上院藏經閣觀李長者華嚴經論及水陸畫

軸院在方山

前人

逝多古蘭若

馬支纂錄長者事跡云神福山逝多蘭若今方山是也

遺蹟唐開元

其山方若孟分脈清涼山東西兩翼峙中有神龍蟠長

者唐皇支妙相菩薩曼一朝跨虎至神龍獻其泉天女

爲供養一龕棲五年華嚴卉九品論成蟬蛻仙至今流

水聲如寫天龍禪義藏經閣插架珠林編

藏經閣明萬歷中僧

明讓所建其全經乃請於南京禮部印發者今存者四

鎖鎖各三十六函長者所著華嚴經論一百二十卷合

序共目三十山僧不識字顛倒隨風煙撥塵試搜檢幸

喜經論完支那手撰述梵夾猶新鮮法象有曠持護師

亦云賢傳聞此山寺畫像雄且妍牆角發兩筍大軸森

如椽天人神鬼趣變相雜悲歡屍雕擁山嶽頭鬣排魚

龜仰瞻滿月容低眉惟無言誰歎擅妙繪金陵唐如天

吳畫世罕觀筆法依稀傳此山歷顯晦而今尤彫殘墮

垣敗瓦中鐘鼓聲不圓青松與白石羞澀難爲顏嗟余

種松歌

前人

方山山人烟霞徒手植飛節三千株

方山頂松明雅官所植今稱雜善人

天風落子滿巖谷至今蒼翠成畫圖霜皮黛色龍鍾老

世間未許探鱗爪野火晴疑霹靂飛空潭夜有蛟螭繞  
白昔意氣矜華年蠟屐徑造層峯巔穿林越澗窮鳥道  
橋捷力爭猿狖先是時六月新雨霽石磴幽滑苔紋細  
須臾巖腰嵌冰輪波濤萬頃翻水銀陰厓慄慄下無地  
亂葉森森上有人夢回仙境無緣入茯苓香凍靈脂泣  
支離底事重相逢三尺綠雲壓肩溼松兮松兮非凡才  
移根且向北原栽世人棄爾如薪柴凌霄枝幹須豐培  
故山鸞鶴應歸來

登三吉閣

閣在段王鎮南時癸卯孟冬二十八日也

侯炳塘

邑人

飛簷峻閣倚雲端谷合峯迴勢鬱蟠地脈蜿蜒來白鹿

鎮在岐山之麓山

天神縹緲駕青鸞文宮對峙三千界

亦名白鹿寺山

呂廟平臨十二欄

閣東山巔爲文昌宮閣西自是人間北爲栢子山上有太公廟

分造化山川收入畫圖看

傳聞結構費經營

弓佩綬先生建議歷久始成

此日登臨四字清氣

暖自緣瞻日近地高真擬御風行西山擁護軒轅洞西關

山迴處有軒轅洞

東嶺迴旋賀魯城

城在關之極東

雙澗潑洄關鎖處

龍門蔥鬱樹煙橫

關西水入黑水合壽水關南山水東流爲中莊河關東水入上峪河二河

至龍門河合流

詩凡四首見夢雲集茲錄其二

宿方

聽松樓

時戊申重九日也

前人

無風無雨作重陽人到名山態欲狂獨上高樓舒遠目

一行雁字白雲鄉

不關風到便傳聲  
蕙纈蕭森翠蓋提  
萬籟此時都閉家  
蒼龍頂上駕濤行

朝來碧嶽暮層臺

祁幼章跋中語

心地雙清眼界開  
自宿山中

無幻夢

余素多夢宿山六日無夢

始知高處卽蓬萊

劇起蕭疎與耳謀  
山中萬籟總清幽  
松聲未定鐘聲起  
月上闌干獨倚樓

高樓斜對鳳鳴坡

山底村南山名

龍套雕翎

寺溝村南山名

擁翠螺紅

葉白雲看不厭  
日移松影上簾波

鳥語聯綿曙色催  
爐烟散盡半扉開  
日輪未上人初起

不速山光入座來

秋日登方山有感

史秉正

邑人

玉皇閣高岬嶠天  
風吹透襟衫薄  
榭林坡纏薜蘿  
蒙密陰翳無人過  
空中壁立丈人石  
峯頭天池通泉脈  
松濤洗耳此心清  
習靜愛結烟霞癖  
攀緣躡磴下層巔  
細路曲傍孤雲穿  
幾日秋風大壑起  
滿山黃葉落紛然  
曳杖入寺門整冠  
禮世尊丹青剝落  
盡殘碑臥頽垣  
感慨當年唐宗李  
一生何修得至此  
山王引導靈境開  
華嚴注就脫塵埃  
閱遍興亡幾千載  
傾圮似歷小劫灰  
小劫灰豈無了乾  
坤廣大人自小寄  
語山僧好護持  
莫教寶剎

不速山光入座來

秋日登方山有感

史秉正 邑人

玉皇閣高岬嶒天風吹透襟衫薄榭林坡纏薜蘿蒙密  
蔭翳無人過空中壁立丈人石峯頭天池通泉脉松濤  
洗耳此心清習靜愛結烟霞癖攀緣躡磴下層巔細路  
曲傍孤雲穿幾日秋風大壑起滿山黃葉落紛然曳杖  
入寺門整冠禮世尊丹青剝落盡殘碑臥頽垣感慨當  
年唐宗李一生何修得至此山王引導靈境開華嚴注  
就脫塵埃閱遍興亡幾千載傾圮似歷小劫灰小劫灰  
豈無了乾坤廣大人自小寄語山僧好護持莫教寶刹

四千人道出古之馬首縣軍行一日定一程裝載一車

惟兩兵析代及遼借協濟

壽邑撥協濟車析代遼三州暨遼屬和順榆社二縣

城轉轂聞雷聲計里途經百二十官兵鞭馬僕夫泣列

隊分行二百人三百餘車用不給僱民間民車

安得信且閑東過壘石口西上要羅山馬蹶屢蹶費躋

攀絡繹奔馳往復還君不見七百乘車傳自晉鞞鞞鞞

鞞誇臨陣祇今表裏舊山河軍威詎遜當時振壽陽山

峻路徐徐向來兩驛

太安驛壽陽驛

少官車况值旱乾農事苦



悉索做賦供儲糶近年三患髮捻未平夷務又熾擾南紀逐北追

奔終未已跳梁欲窺析木津郡王僧格林沁防堵天津戒嚴畿輔糗

糧峙大軍駐札保定府兵兮兵兮奮戈矛擒賊擒王殲厥仇他

日凱旋過此地欣欣醴酒兼椎牛

輓閻烈婦

前人

自昔從容就義難閨門竟作等閒看聞喪已決歸同穴

矢死靡他待見棺不惜芳姿埋雪玉非徒古井息波瀾

敦風表節殷劉叟綽楔還期得好官烈婦姓李閻某之妻閻歿於趙州李

氏時年二十聞凶信即語家人曰待棺至予即死矣家人初不介意遲數月夫柩回氏憑棺哭之哀夜即服毒

死劉明經靈詣縣懇申憲旌之以房吏索費阻不果行此咸豐二年也同治四年詔舉孝義節烈始舉之

初到方山卽事

秦東來邑人

生平愛遊由夢想情彌篤秋至攜良朋驅車赴初旭途

經廿里餘佳境漸相屬舍車上山腰路轉三百曲山鳥

迎人鳴山草爲客綠仰見萬株松森然如碧玉入門且

小憩共酌杯中醪迎僧話舊緣爲訪幽人躅飯後步東

巖境僻林皆溷盤陀到山頂曠蕩尋遐矚一飲上池水

豁然洗炎熯陰松作蓋帷藉草爲茵褥有時睨樹旁欲

取茯苓劇留連日漸暮紅霞光斷續步回自西巖僧房

還秉燭來往俱乘輿佳景燦可錄頗有世外心不插塵

中足持此告同人無山令人俗

玉皇閣

前人

方山最高處咫尺近碧落一路皆絕險到此反寬綽其地名神坪上建玉皇閣破閣兩三間傾圮無鎖鑰樓版半已抽梯斷無所著有水濟巨川獨木為略約我來強欲登膽小不自酌空際足常懸暗中手自摸倩人為扶持俯視心駭愕危險過蜀棧奮身且一躍偶然踞其巔真同抱佛腳挹翠觀羣松分青瞰眾壑遠視雲霧間隱隱如城郭羅列千萬狀聚此成脈絡頓使眼界開能令天宇廓乃知人世間苦盡方有樂此樂定何如凌空騰鸞鶴

唐碑

天祐四年王居仁撰前府助教王崇裕書

前人

斷碣摩挲碧蘚滋建從天祐鼎遷時晉民不忍忘唐德

一髮千鈞在此碑

是年梁已篡唐晉猶稱天祐

方山程子祠

有敘

前人

壽邑北鄉方山下有村名程子寔相傳程子之外家在孟程子往省讀書於此其說似屬附會嘗考伊瀾淵源錄侯師聖為一程舅氏華陰先生無可之孫明道文集有華陰侯先生墓誌云無可宦學四方徙家華陰卒葬華陰保德鄉先塋之次似無可之父道濟已葬於華陰矣道濟以孟人任丹徒令不知何時葬

於華陰則程子之外家在孟尙未甚確况從河南至  
孟中途豈容棲遲亦未必讀書於此山也二程中惟  
明道嘗爲晉城令卽今澤州府鳳臺縣地去此亦遠  
不知往省外家者爲明道耶爲伊川耶其說皆可疑  
要之經過之事不可知而兄弟皆大賢可祀於賢宮  
卽可祀於名山也壽人於山畔建祠蓋亦猶城中建  
昌黎祠之意云爾因作長句以紀其事

上古聖神曷自始曰惟一道而已矣秦漢以後道不傳  
百家九流雜然起追蹤孔孟排異端唐有韓子宋程子  
文高八代掃秕穢學著四箴去塵滓汗流籍湜非虛言

雪立游場乃實紀韓爲忠臣撫強藩奉使留題去如駛  
程爲孝子念涓陽僑寓讀書隨所止古人宦學無定蹤

後世傳聞或近似吾鄉何幸遇兩賢山川生輝照千祀  
我聞古有三不朽前聖後聖同一揆立德乃有功與言  
不惑真堪百世俟當其精誠積久通龍可爲脯無異鱉

可徙茅山有池產龍如螭蟠而五色民俗嚴奉不懈明道先生捕而脯之道若大路在忠

義尋章摘句徒爲爾此道今人久不談茫茫誰作中流  
砥予生也晚膺於道安得坐我春風裏願聞道要開盲

聾日月昭昭有如此

憶方山松

咸豐丙辰六月遊神蠟山歸憶松林之盛做韓昌黎南山詩體而爲此

溫晉昌邑人

入山不見山但有無窮綠鬱鬱復蔥蔥松生滿背腹我  
去爲看山到處松盈目疏者若植槐密者若比竹上者  
踞峯巒下者隱溝瀆緬彼維山翁種松書早讀一夢迢  
山靈千載森芳馥或如覩天仙輕舉跨翔鶴或似參古  
佛危坐繞馴鹿或作高士貌古澹超塵俗或伴偉人儀  
莊重標器局或同千官列旌旗相輝煜或比萬卒屯劍  
戟互攢簇或驚天馬來翠鬣迎風逐或怖神獅舞青毛  
向日浴或迷大澤龍蜿蜒騰幽谷或眩高岡鳳翩翻弄  
晴旭或訝虎負嵎雄蹲倚層麓或疑牛眠地屹臥橫平  
陸桂蟠葉不舒有似刺髮曲幹老節亦枯又若驢尾秃  
形低窘深淵拳拳類兔伏狀矮逼陡厓瑟瑟肖蝟縮追  
隨猶長幼俯仰擬主僕叢聚樂朋儔遠挺傷孤獨其竦  
爲俊拔其屈爲局促其側爲爬沙其偃爲匍匐擁腫那  
許攀槎枒不可觸妍媸與舒慘奇怪真駭矚造物巧於  
造力萃此孕毓化工妙爲工智竭此亭毒哦松者誰氏  
顧影徒郁郁聽松者何人賞音但謾謾處士管蒔七所  
好在庭屋大夫曾封五所糜虛爵祿詎知十八公終古  
長羣木壽水滋以壽福山蔭以福貞心耐冰霜勁節堅  
金玉我願學放翁偕梅愛竝薦一松陪一身結念庶乎

足

壽陽縣志卷之十三

稊志

寓賢第一

唐顏泉明杲卿之子先從杲卿討賊杲卿敗泉明客壽陽史思明獲之械送幽州聞關得免後爲郡令遷彭城司馬皆有善政貌孤相從百口任粥不給無海歎新唐書金元好問字裕之定襄人七歲能詩及長覽貫經史興定五年進士爲行尚書省左司員外郎金亡不仕爲文備衆體蔚然一代宗工所著有中州集以金源氏無文乃構亭於家著述其上因名野史亭舊籍隸平定常往

壽陽縣志 卷十三  
來平定壽陽間有次韻韓昌黎詩宿張靖田家詩楚往  
西張詩及新修壽陽學記見藝文餘詳州志

明傅山字青主一字公他太原人母夢老比邱而生六  
歲食黃精不樂食穀強之乃食讀十三經諸子史如宿  
適者善詩古文詞尤工書畫督學袁臨侯深器重之時  
以道學相期許後袁被巡按張孫振誣劾下獄山率眾  
伏闕訟冤得白馬君世奇作義士傳比之裴瑜魏邵甲  
申之亂避地於壽陽五峯山龍泉寺師事雨師郭還暢  
先生後遂爲道士裝遨遊平定祁汾間人爭重之其所  
遊歷輒有題詠 國朝劉明經霽輯其遺事爲先儒外  
紀又博訪遺筆刻石於五峯山子眉以文學著常從之  
遊道途之間不廢誦讀餘詳州志

國朝段若膺字玉裁金壇人博極羣書尤嗜漢學所著  
有經韻樓集許氏說文注等書乾隆三十六年主講受  
川書院

### 仙釋第二

唐顯教妙嚴李長者宋崇甯元年僧宗勝撰長者行蹟

碑碑在方山其文曰李長者皇枝也諱通元孟志云李姓賓

但言滄州人開元七年唐天祐四年王居仁神福山寺

之歲二月靈跡記作開元二十七年己卯至太原孟縣大賢村有高山奴延納安居長  
十五日

者每日唯食棗十顆柏葉餅子如掌大者一枚自爾不  
交外人掩室獨處含毫臨紙曾無虛時如是三稔一日

舍山奴南去至馬家谷古佛堂自搆土室寓於其側端

坐宴然於斯十年

靈跡記云別卜東南馬氏谷中間過  
五秋又云次移西北韓公莊上又度

三冬孟志亦云嘗齋其論  
及經住韓氏莊與此異後復挈經書遵道而去次

冠蓋村忽逢一虎馴伏長者告以吾欲著論釋華嚴經

可與吾擇一棲止處言畢虎起長者徐而撫之遂將所

挈經囊挂於虎背於是虎望神福山原直上二十餘里

當一土龕收囊於內龕之四旁舊無澗泉長者始來之

夕風雷暴作拔去一松化爲一潭

孟志云其味甘香  
後人呼爲長者泉借

陽之歲祈求必應長者製論之夕心窮元奧口出白光

以代燈燭居山之後忽有二女子容華絕世皆可笄年

俱服布衣悉以白巾幪首姓氏居處一無所言汲泉焚

香供給淨饌莫知所止歷於五祀著論將終遂爾絕跡

靈跡記云啟餘五閏約集萬言粉飾  
華嚴重新海藏天女還宮仙童上界長者身長七尺二

寸廣眉朗目丹脣紫肌長髯美茂修臂圓直髮彩紺色

毛端右旋殊妙之相靡不具足首冠樺皮身披麻衣長

裙博袖散腰而行居常跣足放曠人天忽一日出山訪

舊止之里適值野人聚族合樂長者曰汝等好住吾將  
欲歸衆乃必謂卻還滄州揮涕懇留長者曰縱在百年

會當歸去於是眾送長者卻還龕所復眾曰去住常然

汝等可各還家翌日長叟結徒禮候但見姿容端儼已

坐化於龕中報齡九十有六時當三月二十八日也孟志

云時開元十八年三月二十八日金太原王革重修寺

記云唐開元間顯教妙嚴長者李氏揭來此山卜土室

而居研精覃思以著華嚴論為業越十有九歲文成示

寂靈跡記云靈骨葬在山北榭林之中石邱是也按

長者自始來至示寂其間所居之地所歷之年說不盡

同然以距時之遠近斷之似靈跡記所言較得其實又

孟縣有李賓山雙鶴山有華嚴道場皆謂為長者遺跡

又壽陽俗傳長者初居孟縣大賢村後至壽陽紫巖山

西南里許之馬家谷自構土室而居著華嚴經論麗居

士供飲食焉後為龐媪所觸遂適方山行次冠蓋村白

虎前導因更名虎現村踰要羅山小憩太安驛因名臥

虎市至縣城西河上有仙童接引因名童子河距山十

里許述路因名失迷溝溝北有虎蹏石痕迹宛然示寂

後龐居士取其頭瘞於紫巖山側因名長者頭又相傳

長者示寂於方山東南陲之神安長瘞骨於孟之蘆裏

村或又謂長者頭為長者陀之謠以長者曾居此得名

自構土室即在華嚴上寺門前後毀或又謂土室

在今近山之麗梁言人人殊姑錄之以廣異聞

法宏方山僧也師靈徹有道行宏幼穎悟頓闢元機武

宗朝淘汰僧尼山中梵剎圻毀幾盡宏募資鄰縣無間

寒暑近山居民左慶等德之為施莊田數十頃乃重新

山寺立長者像命弟子取經於西竺後值唐末歲屢饑

宏確守山門日誦華嚴經不輟減衣節食足不履塵市

者三十年其戒行精苦如此補

金剛照俗姓崔博陵人也了悟佛法代宗為廣平王時

甚尊禮之後卓錫於陽摩山靈嵩寺寶應元年北京留

得易原志

卷十三 雜志

四



守太傅王孟縣令竇壽陽令孫

俱未詳何名

爲起造功德堂

一時僧徒雲集說法元微有散花點石之妙德宗貞元

歲奄化

補

宋政禪師知縣郭瑗撰行跡碑

碑在方山

其文曰禪師姓羅

氏太原府平晉縣古城北洞子鎮人通華嚴經論熙寧

五年壽陽縣父老於方山上方靈松泉下金剛泉側以

石界爲龕請師居龕講華嚴經熙寧三年

按此疑有誤字

南遊

至潤州甘露寺依廣照禪師一日辭廣照遊廬山廣照

曰汝他日當坐古菩薩道場有肉身大士先已爲汝發

揚化眾興建也元祐初至西京大字院看藏經縣郭二

社與山前六村善友請師住持至紹聖中開慈山田建

下莊院一所當二年奉敕賜額竝逐年撥放童行一

名敕下之日山前布金色銀色世界種種化現大觀三

年鑄洪鐘一口重一萬斤其聲響徹兩縣度門人弟子

宗悟等一十六人政和三年師無疾不食唯飲淨水善

友等數十人繞師左右謂曰願得師久住世間興隆佛

法師曰時至卽行諸佛每然因問弟子宗弁曰日在何

時弁曰午時師曰從來道底衆云是什麼師曰清風吹

不盡明月照還晶師偃息乃雷頌曰天長地久莫之能

守涅槃妙心幾人能透附牀一下臥右脇而終遂收舍

利一千粒俗壽七十一僧臘五十三

明衲雲禪師者卓錫於方山之昭化院飛行精嚴而學

尤淵博工吟咏晉潘二藩雅敬慕之賦詩贈答不絕萬

歷中賜號紫衣大師嘗晏坐松石閒貯粟於掌山中鳥

雀飛集掌上就食之後無疾跣趺而化平生著述皆散

佚唯居五臺時數咏載太原府志方山塔銘序云明代讓禪師者字衲雲別

號罕峯係太原陽曲縣人生於王氏自少不受世緣本郡龍公披剃於白龍祠期年即受具足瓢笠之京後紫

柏道人重其高操請住壽陽方山師極力經營故棄遺

徑遂爲一新學憲靜峯汪公重其道誼聞諸晉藩二王

賜諭護持遣官往來師事者二年餘大參朱公效東坡

故事解帶留之永鎮山門作留帶記以爲遺跡師生嘉

靖癸卯八月初三日薨歷丁巳四月十二日泊然而逝

按此序爲天啟元年賜進士第兵科給事中中州楊

所修撰舊志云失撰人非是又山西通志讓大師號衲

雲一號罕峯相傳爲陝右人筮仕長吏後棄官雲遊得

佛法於五臺山達觀禪師遂棲獅子窟與憨山海印妙

峯輩五十三人爲靜友達觀示寂乃卓錫於方山之昭

化院云云諸說互有異同未知孰是又按孟志亦載之

與通志略同唯獅子窟作獅子巖爲異衲雲孟縣志作

衲空通志因之誤又孟縣小坪峪無礙禪師碑有與師講道語

郭還陽名靜中河南修武人方髫時夜每夢驅龍爲行

雨狀差長則厭薄世故遂棄家去過華陰遇異人劉某

者授以金丹五雷法由是往來晉趙燕齊豫章楚粵間

踪跡靈異遇歲旱則長吏輒走書數千百里迎之禱雨

至則爲壇以五雷法頃刻雷雨如注然霑足僅及所禱

之境他處不能得也或求之者衆弗暇躬往第各書一

符付之方入境不及焚而雨隨集葉城縣苦瘠沲患爲  
作法鎮之徒數里歷城縣有趵突泉久涸以鐵符券二  
納之泉復出一日過壽陽之太安鎮語鎮人曰此去西  
北里許當有吾容足處鎮人如其言築龍泉菴於五峯  
山時晉藩慕其名於會柏園中建道院延居未幾卽辭  
歸還陽於書無不通尤邃於易趙公南星與還陽爲方  
外交甲申歲太原傅山避地於龍泉師事焉年近百歲  
顏色如童子忽一日呼門人具浴浴畢端坐而逝太安  
鎮橋北有傅山所題明兩師還陽先生返真之墟碑按  
人劉霖有兩師傳真記載  
此尤爲詳備見仙儒外紀

國朝淨大師號淨滿字道圓壽陽人王姓出家城中關  
帝廟及風溝玉環山禪功默運妙悟三空當時有淨滿  
淨故滿道圓道斯圓稱關帝廟舊東向師忽語梵眾帝  
不欲東眾不解卽火卻乃移向南靜坐竟日夢中時與  
古人遇按通志云  
頻夢關帝一日聚弟子智敦等曰我將死卽令  
修小窠堵備冥具至期無疾化時康熙十一年也寂數  
月敦等請呂仙鸞問師今現在何處降一絕曰駕鶴歸  
西去不落凡夫地脫卻閻君手同往圓通會峯溝碑謂  
爲大顛秘演一流人補

封爵第三

壽陽縣公賀拔永

山西通志北魏以世為鎮將績封進爵為王為齊神武所殺

壽陽縣侯賀拔允

山西通志建義初封邑七百戶永安中進公前廢帝時改封燕郡公

定州志按史無賀拔永者史載賀拔允初封壽陽縣侯永安中進爵為公齊神武入洛進爵為王因與神武獵

或告允引弓擬神武乃置於樓上餓殺之則所謂進爵

為王為齊神武所殺者即賀拔允也通志兩列之疑誤

邑乘補遺云二公俱封壽陽賀魯之名或以此與又云

魯魯城與燕州之名二條可以參看又云孝義縣有賀

魯神祠祀北魏賀魯將軍蓋亦此類

壽陽縣伯郭秀

北魏齊獻武王時以恩倖封

壽陽縣公武居常

北魏封金石萃編汾陽王郭子儀弟幼明子昫封壽陽縣開國男見顏平原

書郭氏家廟碑

壽陽公主

北魏莊帝姊

壽陽縣主

金眞宗本女抄里古

壽陽公主

明穆宗女笑拱辰所尚 邑乘補遺云八條皆山西之壽陽若東晉有壽陽公主以梅花

點額乃指淮南之壽春為壽陽也

古蹟第四

馬首城在縣南十五里左傳韓固為馬首大夫今仍名

馬首村

壽陽故城遺址包今城外東北隅即晉始建之城地形

志中都有壽陽城者也元和志稱受陽故城受陽乃魏

隋所稱晉置縣本名壽陽又或因新舊唐書言武德六

年徙受州治於受陽自此爲受州城考受州始治孟縣  
後徙治於賽魚城城在今平定州西北三十里今亦名  
廢受州城其地隋唐時爲縣之東境故以謂徙受州來  
治耳非治壽陽城也

神武故城在縣西北二十里今名神武村元和志壽陽  
縣神武故城後魏神武郡也在縣北三十里周廢考後  
魏所立神武郡領尖山殊頽二縣本屬朔州通志在州  
州山之別峯昔地形志云後陷今寄治并州界則此蓋  
寄治所在邑乘補遺云壽陽之神武城爲寄治之  
所與屬朔州者異但亦同名尖山耳

燕州城在縣西二十五里北齊置州於此今名南燕竹

村州竹語之轉猶春秋州吁殺梁傅作祝吁

又分北燕竹村距城

三十里

賀魯故城在縣西北三十里舊志云趙簡子食邑城址

微存城東有簡子墓前有祠宋韓魏公征趙元昊還過

此有按尋晉趙留裔驗因得遺封簡子廬之句今按賀

魯乃塞外部落名目舊唐書云賀魯居多邏斯川在西

州直北一千五百里又云呼延都督府黨項部落寄在

朔方管小州三賀魯州那言州跌跌州則此賀魯城與

汾陽縣賀魯水相類皆北魏後始有此名以爲趙簡子

食邑恐屬附會

通志甯武府五寨縣有趙魯城亦北魏後始有其名吳志云亦名故蘆城後魏

亭集注云亦名胡蘆城祁公竊藻云賀魯疑為北齊賀  
 六氏之傳謫邑乘備採云蒙古語賀字下必加魯字猶  
 華言之視語辭也考賀拔氏曾居朔州之神武尖山後  
 寄治於壽陽則壽陽有神武故城又有賀魯故城或皆  
 其所別建之邑歟又吳志云每當落日時四望山原皆  
 有暝色而此城荒垣斷壁間夕陽猶隱隱如見按  
 國朝嘉慶間賀魯城人於斷崖下得古錢十餘壺圖六  
 分許上鑄貨泉二篆字蓋漢物也其篆一錢一體土花  
 緣蝕祁公鴛藻作古錢歌以記之見履齋詩集又得  
 古印文曰稅務司記不知何代物又得漢鏡古劍各一  
 晉州故址在縣西北五十里本五代時西張塞高五丈  
 周僅十畝許金志興定四年正月以壽陽西張塞置晉  
 州後為元兵所毀州廢按北河南寨底村南皆有古城  
 遺址又寨底村東南有校場坪  
 今皆無考

舊志以壽水清波芹泉曉月雙鳳朝陽石門禹蹟方

山雲霧羊頭積雪故城返照建公蛇穴為八景圖今

附見此故城謂賀魯城

駙馬城賀魯古城東北有地名駙馬城有瓦長尺餘滴

水處方背有紋磨之可為觀以下補

廣牧城方輿紀要廣牧城在壽陽縣北漢廣牧縣本屬

朔方郡後漢建安中移治陞南屬新興郡晉因之建興

四年劉琨遣箕澹等救樂平太守韓據於沾城琨屯廣

牧為聲援後廢邑乘補遺云此條通志及龔志俱不載  
 考朔方郡在今甘肅甯夏衛陞南者雁

門之南也新興郡者忻州也但云在縣北而不著里數

此城似不宜在壽陽通鑑覽要亦云廣牧漢故縣屬朔  
 方郡後漢移治陞南地在今忻州按通志大同府天  
 鎮縣條云北魏道武帝於天鎮置廣牧縣今天鎮尚有

壽陽縣志 卷十三  
廣牧故城謂在縣北者  
誤謂在忻州者亦誤

洪亮吉乾隆府廳州縣圖志云漢廣牧故城在縣北  
按本屬朔方在今陝西河套內後漢建安末移置陜  
南後魏神武僑郡城在縣北按魏收書神武郡首領  
尖山縣今有尖山在縣北又太安郡首領狄那縣今  
有太安鎮及狄那寨在縣西又廣甯郡首領石門縣  
今有石門在縣東又太平郡首領太平縣今有太平  
鄉太平村在縣東北蓋一州五縣皆僑置縣境不獨  
神武矣

飴露鄉道光十二年三月壽陽牧者掘土得唐故安定

梁君墓誌銘并序石刻完好詞雅體潔其地名有飴露

鄉段亭村山名有巨山今其地皆不可考按段亭疑卽今段廷見村

莊又方山唐天祐四年碑下州村福興寺明永樂十七年石幢有都維鄉副維鄉慕義鄉今其地皆無考

古交口廣輿記壽陽條云晉因縣界有古交口故名按

不識本是何地

漫仇亭北齊顏氏家訓云晉陽東百餘里亢仇城不識

本是何地及檢字林韻集乃知亢仇舊是漫仇亭上音武安

反下屬上艾按馬首農言云宗艾疑上艾之故稱又自音仇

齊移晉陽於汾水東漫仇亭在晉陽東百餘里當卽今壽陽縣地

韓昌黎詩亭在太安驛太安驛舊名壽陽驛唐韓昌黎

有夕次壽陽驛詩後人鐫其詩於石構亭以藏之後又刻石於爰川書院

程子寗在縣北三十里相傳宋程子之舅侯無可孟縣興道村人嘗設教於此程子昆弟從學焉至今村南有隙地謂卽昔年遺址亦孟縣程子巖之類或又謂爲二程子自河南至孟省其舅此爲寄宿之所馬首農言云程子寗乃宋賢之逆旅卽據此爲說又相傳方山有地名程窩程子登覽而讀書於斯今失其處所道允問土人於靈松巖上建程子祠焉按方山有地名程窩又有趙文子祠山之西陲爲孤山孤山之南麓爲上下程子寗村以此數端互證則孤山蓋因藏趙孤而名窩與村名亦因程嬰而名猶忻州

之程侯山孟之藏山也意當日境離轉徙不止一處故遺蹟如是之多俗以孤山之孤爲孤獨字或又以窩與村皆因程子昆弟而名疑皆誤

繫馬樁在縣東二十里芹泉汛相傳唐尉遲敬德遺址

按此條見孟縣志以汛雖屬孟而地實屬壽陽故錄之

磐石牛形縣東北二十七里翟家嶺河邊有沙田爲河水所齧沙去而磐石存石上裂紋自成牛形頭角蹶尾皆具按縣西五十里雷公村河水傍南崖崖土忽墮數丈河中卽現一牛形頭角蹶尾皆具數年不復觀石壁奇書城東二十餘里官莊村有石壁高數丈其面

如削上鐫四字曰石壁可觀下鐫三字曰泰山景每字徑可二尺許體勢雄偉不類凡筆其地險絕人力決不



能至似神工鬼斧之所爲

關帝雨竹石刻相傳段延村某姓家藏一石上鐫漢壽亭侯自寫真像及所畫雨竹爲當年真筆

九女槐在白道村大數十圍身若瓜形析之而九相傳有九女禱雨於此各以槐枝插地後叢生而合爲一本

### 塚墓第五

狐突墓在縣西三十五里曲尺莊有地數畝青松蒨鬱

墳高丈餘相傳爲晉狐突墓

按傳山陽曲縣太橋門狐大夫廟記曰西南百二十

里有狐山山椒有祠麓有墓云大夫及二子墓咸在焉

山隸交城似山經所謂狐岐山者也故傳交城爲大夫故里據此則墓當在彼不在此

趙簡子墓在縣西北賀魯故城東簡子祠後宋開寶三

年詔守塚兩戶禁樵採

相傳趙簡子墓瓦細者可爲硯今不可復得矣按今墓側有

檜樹一又有明崇正四年重修簡子祠碑記或云葬在

城北山下此其陳道也邑人劉元一適孟縣避賀魯故

城感懷詩注云地屬晉氏而有趙簡子墓應是北魏時

墓而傳謠者又按通志趙城縣東北三里有趙簡子城

有趙簡子廟廟後有塚又名勝志邯鄲縣石子岡有趙簡子塚

徐皇墓在縣南十里徐公埤不知何代

按太原府志徐作餘誤俗又稱

徐王墓考周勃世家乃悉封徐盧等爲列侯功臣表徐

盧封容城侯又祝茲侯徐厲爲將軍此之徐王宛不知

爲誰何也今墓尙高丈餘墓外隙地尙有畝餘

齊丞相墓在縣西十里相傳承相名受以卒從擊項籍

用齊丞相封平定侯

白宰相墓在李坡村寺後未知爲誰今墓址已沒補

唐勳國公殷開山墓舊志云在縣東十五里土陘嶺按

縣志亦云墓在芹泉驛舊志云殷公名嶠唐時開形

凌煙閣謚節貞墓在太原府陽曲縣西山上此誤

宋高防墓在西落乾德元年詔遣供奉官陳彥珣部署歸葬

明王克己墓在縣北三十里西張溝西村西北補按明倫堂

題名匾亦云克己西張人今溝西王姓卽其裔

御史吳玉墓在縣北神武村

兵部副使閻璽墓在縣北神武村

孝子墓在縣西南溝北村東年代姓名事蹟俱無考補

延川縣令聶純墓在縣北下州村補

國朝僉事高丹桂墓在北燕竹北山之陽大學士王崇

簡撰墓表

知縣趙宏化墓在縣西南燕竹村南禮部尙書韓葵撰

墓表以下補

知府弓養正墓在縣西段王鎮西嶺

郎中祁韻士墓大學士祁文端寯藻墓布政使祁文節

宿藻墓並在縣西北平舒村北

### 異祥第六

元成宗元貞元年六月大雨雹

按壽陽無歲無雹災特有輕重之殊說者謂黃

嶺低陷之故城東南碧石所人舊傳每歲二月初一日  
既會眾宿五龍祠預備黃表紙古連紙各一批俟初二  
日雞鳴第一聲未斷時用斧鑿將紙鑿透名曰雷箋後  
逢天大雷電急焚紙三張可止雹災多焚反主旱至今  
遵行不改 順帝十年夏四月地震聲如雷圮房屋壓死者

甚眾 十九年夏四月蝗食禾稼草木俱盡所至蔽日

礙人馬不能行填坑塹皆盈饑民捕蝗以為食乾而積

之又罄則人相食 以上並見五行志元以前無考

明成化八年秋七月雨雹大饑人相食 十八年夏五

月不雨至秋七月苗盡槁 正德七年夏六月十二日

夜黑嘗見居民更相震怖每夕驚擾皆引刀劍擊鼓鉦

以自防旬餘始息 九年冬十月 通志作夏四月 四日寅初地

震有聲如雷隨震隨止頃復震至卯刻又震 嘉靖七

年冬十二月十七日有白虹東指天河中西抵天際通

宵不滅凡九十餘日始散 八年夏六月蝗螟歲饑

十二年冬十月星隕如雨光若火天盡赤 十四年大

蝗禾稼殆盡 二十年夏六月淫雨傷稼居民多墊溺

秋八月蒙古兵至時有白鳥無數隨之 三十二年春

三月城西北隅草場火十餘日不熄延燒城隍廟及聖

母祠 三十九年大旱 按州志三十九年大旱蝗四十年五月方雨民饑人相食注云

州志及各縣略同 四十年大旱斗米錢二百餘人相食殍尸

枕藉 州志明李可贊物力議有云六七歲時記斗米四文為率襍糧二十七八文蓋四十餘年迨流寇

四江旱潦頻復百物艱難至極其騰湧或三四倍六七  
倍八九倍十倍不止按此則所云斗米錢二百餘在彼  
時固以爲極貴矣豈知後世以六七入百餘爲恆治  
國朝道光十二年貴至一千六百餘而光緒三年更貴  
至二千四百餘哉人苟愛惜  
萬歷二年春二月縣西  
物力家有餘粟何以致是

南五十里星隕如礮觸石盡碎其色黑其光熒熒 六  
年秋七月彗星見於西南長數丈月餘方息 八年夏  
閏四月二日午時生員李化家榆樹杪無故火發燒折  
一枝墮地良久不滅 二十九年大饑人相食 三十  
七年秋七月大旱至明年夏五月九日方雨邑民死徙  
者殆半 四十六年夏四月二十六日卯時地震秋九  
月晦日巳時再震其聲若雷房屋動撼隨震隨止 天

啟六年夏 六月五日丑時地震有聲如雷房屋動撼一  
連二次閏六月四日未時復震秋九月二十日子時又  
震 崇正十七年春正月十四日夜城南門內武安王  
廟災寢殿門坊燒燬殆盡而鄰居房屋一無所傷

國朝順治八年夏五月大旱饑民多鬻子女給食 九  
年夏六月淫雨四十餘日水溢民居傾毀殆盡 十四  
年夏六月大雨雹甚榆等村雹消三日始盡居民流徙  
十五年夏五月十八日巳時正北天鼓鳴越二十二  
日卯時東南又鳴 康熙四年自正月不雨至於秋七  
月八月初六日嚴霜徧地秋禾立槁大饑免本年稅糧

十六年秋七月大雨雹 雍正元年饑四月縣民馬步喜妻龐氏一產三男 乾隆二十四年大蝗不害秋

稼以上並舊志

又是年春夏不雨至六月二十四日大雨

是秋豐稔異常 乾隆四十二年六月有雙白鶴飛集

學宮松上

是年鄉試詩題為鶴鳴九皋邑人秦尚志中解元

聯捷成進士入詞林訓導鄧玉麟有瑞應誌喜詩石刻嵌於署壁

嘉慶十八年六月

羊頭崖河水大溢漂沒民居秋八月大風損禾 二十

一年有雙白鶴飛集學宮松上

是年鄉試邑人劉需中解元李仙蟠亦中式丁

丑聯捷成進士

二十五年二月十九日申時忽大風陰晦雨

灑窗紙點點黏泥移時而止 道光元年五月朔日月

合璧

置盆水於地俯視水中日恍若見月輪重疊之狀

六年正月十五日

落後室中酒昏黑忽有紅光照耀爛然奪目頃之昏黑

如故

後數日傳聞直隸某地城外卽於是時降一火龍渾身火光後三四日忽於夜間飛去

十

年夏四月十一日夕時地震聲殷殷然自西北來向東

南而去

後數日傳聞直隸磁州城中於是時地大震城垣房屋皆有坍塌毀地裂成渠隨卽合縫

十一年春夏之交西鄉多狼患傷童稚無數

知縣鍾公有祭城隍

討狼文見藝文上

秋七月某日未申之間日先如血照地皆

赤冬十二月十一日大雨雪平地深三四尺 十二年

春夏大旱秋七月淫雨彌月八月十四日隕霜殺禾米

穀存昂

知縣鍾公有方山禱雨歌見藝文下時承屢豐後邑中存糧二三十萬石而斗米錢一千五百

十三年十四年十五年連歲蚤霜斗米錢一千六百

餘是時存糧漸盡兼之連歲蚤霜禾不得稔故價昂若是

十七年秋七月縣署

生嘉禾一株一穗五歧旋於歧處又出兩小歧識者以

為科名之兆

劉訓陳襍錄禾生署中會課廳院知縣鍾公喜甚即於七月十一日會課作嘉禾詩

竝作筵餞赴秋試是科也張鳳桐於科前先得膺選拔秋榜發李韶秀郭麟伍皆中式而秦東來郝步蟾皆以

優生貢成均蓋即應嘉禾五歧之瑞也且是年同會中有入學食廩餼者或即應兩小歧與

十九

年狼食人無數

邑人劉震有除狼稟

二十一年夏四月八日北

鄉大風拔木徹屋 二十三年夏四月至七月陰雨禾

苗不秀是年惟菜及蕎麥豐稔 二十四年春二月朔

日落後有白光一道自西方起直至天中其末銳如鎗

半月餘始漸隱 二十五年六月朔庫韓村大雨雹形

如雞卵 咸豐元年六月九日太安鎮等村大雨雹損

禾秋惟蕎麥大穫

二年三年屢豐斗米錢三百

壽陽米價

此為極賤

三年秋七月十五日酉時西南方星隕如雨

八年秋八月初旬夜彗星見於西北方長若數丈半月

後乃漸滅 十年春二月六日雨雪彌月至三月八日

乃晴 十一年春正月六日巳時小雨滴人襟袖皆成

泥土 夏旱斗米錢一千二百文 秋八月朔卯時日

月合璧五星聯珠 同治元年夏瘟疫大作至千秋七

月乃漸止病死者無算

驗其形證即醫經所謂轉筋霍亂也

冬十有二

月初旬天雨土 四年七月十五日巳時有黑煙一道  
橫空飛過聲響四震若礮 六年七月十五日天鼓鳴

七年春三月三日戌時有星大如斗色赤隕於西南

其聲如雷 後數日間有石隕於太谷城西門外 夏大雨雹被災者數十

村 八年三月八日天鼓鳴聲從東南起至西北而止

六月二十九日申時大雨雹自黃嶺起東南行廣袤經

數十村傷禾稼殆盡有更種蕎麥者至秋大穫

十年四月七日大風拔木房舍傾圮七月

十八日大雨壽水橫流二十一日大風二十六日又六

風禾穗多損 十二年六月十二日羊頭壩河水大溢

漂沒民居 光緒元年四月二十九日夜有巨星在天

東南尾長數丈赤光燭天俄而有聲如雷猝然墜地而

滅 後聞山西通省及陝省東偏豫省河北一帶是夜俱有所見言人人疑是家以為天狗星墜地云

三年五月大風拔苗是歲大旱秋收僅二三分斗米錢

二千四百餘 四年春夏疫貧民饑疾死者幾二三萬

人 元年近河之地蒲草叢生至是人掘根食之或以蒲生即歲饑之兆云 恩詔蠲免

稅糧發常平倉穀一萬三千六百五十石有奇以賑之

又富戶捐賑穀一萬四千一百五十石有奇議敘有差

又賑官漕米一千三百石 按統計先後查報貧民七萬六百二十三口其賑法大口

月給倉斗穀一斗二升小口減半自正月起爲日一百四十二設局經費捐自官紳富商在局辦賑官紳皆自備資斧有碑記在馬首郡坊內東

是年秋八月淫雨連旬禾多霉爛五年羣狼傷人鼠碩異常人竝患之 四月二十八

日申時大雨雹西北鄉被雹十數村段王上峪北燕竹

諸村尤甚田苗蕩然收穫至秋大獲 六年羣狼

傷人無數八月十九日大雨雪十二月二十一日寅時

天鼓鳴有大星隕於東方其光熒熒 七年羣狼傷人

無數

捐贊姓氏

署 壽陽縣 知縣 馬家鼎

任 壽陽縣 教諭 尹端儀

署 壽陽縣 訓導 郝秀蘭

任 壽陽縣 把總 譚振邦

本邑紳庶趙彩煥 張澄 郭登龍 趙一善

郝溶源 郭燦然 任齊士 袁復成 孟士彥

李天赦 王樂善 聶際盛 王之屏 張汝霖

張鑑衡 傅咳 祁世伊 弓沛霖 杜蔭

孫繩祖 祁繩祖 林廣重 李漸元 陶周翰



張履和 李明光 郝 融 孫乃恭 史肇承

任忠禮 龐海澈 任忠烈 三益堂李 郭景福

李汝舟 杜永祚 李映芝 王庸爵 張世昌

任明哲 王秉鈞 王植槐 楊效曾 李映鳳

傅 大齡 彬 王庭芬 傅 嶼齡 夢影 袁 俊 王炳猷

王德壽 趙完璧 劉守先 劉允度 郝德玟

尚鵬志 任西園 郭忠心 胡從周 閻周輔

王鳳翥 侯敦倫 孫學會 郭泰恆 李映鴻

任志賢 傅松齡 孫樂善 五選堂 趙守誠

石永貞 閻繼貞 閻汝成 王滿持 張錫齡

郭佩華 蔡聯芬 傅藝林 弓佩芝 傅茂林

常滿倉 趙宗明 劉世慶 郭錦秀 郭登洲

聶元鏞 劉大鈞 趙明揚 郭鎮威 韓現璉

鄭希融 蔭萬年 張鴻謨 李瀛洲 魏殿元

韓起明 胡聘之 李 沛 韓汝霖 趙甲輝

郝步桀 馬馴驥 韓晉卿 劉大謨 馬駿驥

郭 儀 溫可福 石成瑾 杜秉公 王元成

張鴻遂 郭克勤 李國棟 鄭 覆 張成業

楊毓藻 常 雲 王茂桐 任芳齡 任希瑞

閻凌霄 祁開勝 常佩璜 趙溥田 閻炳衡

王好生 崔長仁 李兆寅 李長慶 王夢昭

吉慶堂 劉世輝 吳化南 日新堂 千承讓

郭興仁 張祥麟 劉大運 孟熙榮 韓奇書

聶凌漢 高起運 王建中 任熙育 馬德蕃

趙筮萃 趙學禮 崔蘊林 潘立志 傅延年

傅德隆 聶峯霞 席定邦 周海成 徐步霞

梁會選 黃繼碧 趙運修 馬延憲 雲鳳堂

李同才 劉大漢 劉大寶 王錫袍 曹顯章

崔映壁 安清侶 張洪 李三陽 姜學古

傅采芬 李全兒 郭位莊 劉書秀 閻本生

李蘭芳 張嘉訓 張五昌 周光義 趙蓮峯

郝志寶 馬維英 任滿致 郭鶴翀 李謙亨

趙昇清 馬鳴鑾 王德厚 張同慶 孟康齡

張元喜 侯理國 趙膺圖 王學文 遂殿元

張延西 張鍾琳 王佩祥 弓仲德 張玉啟

弓映魁 任永齡 王尙才 王雲瑞 郭文炳

趙裕順 馬日驥 王廷祚 王嘉治 楊森

周公然 張仁禮 馬存儉 趙碩鑄 王效天

聶春第 李謨 閻發奎 閻良弼 劉發祥

辛履謙 李其周 高俊懋 趙城安 王琛

王賓光 王增榮 王懋業 郝生清 郭治純  
孟曰成 趙星輝 趙國士 劉黃來 劉美純  
郝錦標 郭慶朝 魏永康 祝三多 弓本成  
傅映奎 白恆奎 杜聯芳 李立富 郭瑞五  
郭師賢 王之屏 王訪珠 尹成和 潘守俊  
鳴鳳堂 郭光熒 郭含章 侯立中 郭世彭  
趙連泰 趙承恩 趙普業 郭文秀 薛春沂  
張晉嶼 郝鑑堂 張三永 杜明鏡 王昌智  
趙椿梧 王鳳詔 趙瑞珩 趙椿年 李德萬  
李德培 田茂公 吳學仁 白恆貞 吳秉德

宋廷弼 王步驥 王躬修 趙良弼 王鵬  
郝垣書 魏殿吉 王慎五 于鴻圖 王錫年  
閻希慶 王世通 任文翰 白大喜 杜崇德  
孫耀績 李庭芝 石潤璽 李宜壽 趙安邦  
王守煥 李文德 趙維恆 白佩璧 閻鶴雲  
王椿齡 溫學惠 崔世通 張鳳德 陳思元  
李誨 吳志春 閻周楨 任慶祥 王汝霖  
張體仁 蔡獻疇 楊炳蔚 薛炳堃 王雲生  
李克慎 郝大慶 崔清萬 任忠直 馬善德  
王志謙 吳玉南 秦九經 閻繼業 閻敦定

薛海鰲 王 典 王永懋 李慶烈 張學詩

劉維齡 任志遠 安樂堂 郭元福

以上捐數多寡不同別有底冊存縣署禮房茲

不具載

000001

2

原件收藏

山西省图书馆

原件书号

109617-22

原件状况

原件有部分字迹模糊

原件个别地方破损

(光緒)壽陽縣志十三卷首一卷

(清)馬家鼎白昶修張嘉言

祁世長纂

清光緒八年(1882)刻本

六冊

本部书共摄制 1 卷 首一卷卷一至卷十三

版权所有 不准复印

# 本部书完

本片卷含：首-卷卷-至卷十三